

世補齋醫書後集

袁樹勛敬題



序

陸九芝先生元和鳳石相國同年老夫子之封翁也先生湛深經術博覽羣書不樂仕進專心于醫承家學之淵源窺靈素之堂奧一以仲景爲歸光緒六七年間先生迎養入都與先君時相過從鑑得隅坐侍談快聆緒論至理名言久經心折世補齋初集刻成取而讀之至於再三知識頓擴竊維各種醫書多教醫者先生則先教病者矧刻不謝方行世使病者偶感小疾皆可檢方用藥庶不致爲庸醫誤先生嘗言醫能治大病正以病不使大爲能小疾治愈一切危險之證皆消化于無形此卽治已病不如治未病之意所著

論說及考證諸書闡微抉幽刊訛訂謬開前賢之秘奧創後學之津梁已足流傳不朽矣 兒子汝玖 隨任川北以科舉停

廢始讀醫書見 先生初集心悅誠服以未得親承提命為

憾丁未歲回京受業于 鳳石同年專門習醫冀可遞相傳

授久之舉家傳手鈔秘本及評閱各籍之擬刊布者畀 玖 使

任校讐之事書成名世補齋後集囑 鑑 為之序 鑑 于 先生

之道何能贊一辭然綜觀 先生書率皆發人所未發解人

所難解晦者顯之略者詳之凡有妄解妄注假名錯簡之處

不憚煩言辯駁而釐正之大抵 先生之書前集各種以明

理為主後集各種以辨誤為主其意蓋欲病者不為醫所誤

醫者不爲書所誤然後醫道大明天下後世可免夭札之患
此則 先生數十年救世之苦心不得不爲表而出之者也
夫古人以良醫比良相謂其濟世功同也然兼之者卒鮮今
鳳石同年任醫學大臣由吏部入閣良醫良相兼于一身
而要之皆本于 先生之教於戲 先生傳矣

宣統紀元冬日年愚姪馮金鑑心蘭謹序

重訂傅徵君女科

八卷生化編一卷

共九卷併作三卷

朱益藩謹署



重訂傅徵君女科序

經生家言每以闢去常解獨標新義爲傑出冠時之作至於醫之爲道因病施治隨證投方宜若無所謂常亦無所謂新矣然而一病也陰陽寒熱表裏虛實真假其病若相同其原則大異世醫狃於習俗樂於淺嘗人云亦云但就病名爲治更不求病本之何在者比比然也先生每遇一病必先列常解於前而後自解之非故求新不囿於常則自成爲新耳此書女科二卷產後編二卷女科中已列有產後一門而產後編中所載各病又與女科卷末似一似二或重見而疊出或此有而彼無先生本屬兩書讀者未免眩目因揣先生於產

後治法只爲一編之意若專爲闡發錢氏生化湯而設因卽易其名曰生化編以避兩書重複而仍不失原書本旨當猶是先生之志也嘗謂先生是書力求其新適得其常固非眩異矜奇者可比修之服膺是書有年矣始從友人處輾轉借鈔久之乃得海山僊館叢書新刊本咀嚙玩味惜其集中語句雜沓體例參錯且產後編所列類傷寒證以陽明府胃家實一證屬之三陰此其貽誤匪細疑非出自先生之手祝崖祁氏序文不云乎此書晉省鈔本甚夥然多秘而不傳彼此參攷多不相符則雅樂之爲鄭聲所亂多矣而於陽明府混作三陰之條尤有不可不釐正者因於晨夕展翫時移易增

刪改定體例以文科八門分爲八卷另附生化編一編繁者汰之冗者節之晦者明之雜者一之始咸豐庚申迄同治癸亥悉心釐訂乃成完本誠欲求得先生真面目使後儒開卷瞭然而非敢有塗改點竄之意也凡先生之亮節高行散見於馬文甬義士傳李子玉儒林傳及觚賸鶴徵兼濟堂文集小長蘆詩集中者當再彙錄成帙以光益是書俾讀是書者如見先生焉錄成乃敘其緣起如此

同治三年甲子五月十六日元和後學陸懋修謹序於青浦舟次

傅青主先生傳

稽曾筠 松友

傅先生名山字青主一字公佻陽曲人祖霖官山東遼海參
議父之謨明經授徒號離垢先生山生而穎異讀書十行並
下過目輒能成誦年十四督學文太青拔八庠繼文者袁臨
侯先生繼成也一見深器之準食餼檄取讀書三立書院時
以道學相期許山益發憤下帷臨侯每云山文誠佳恨未脫
山林氣耳崇正丙子繼成爲直指張孫振誣詆下獄山徒步
走千里外伏闕訟寃孫振怒大索山山敝衣藍縷轉徙自匿
百折不回繼成寃得白當是時山義聲聞天下後繼成官南
方數召山山終不往山性至孝父之謨病篤朝夕稽顙於神

願以身代旬日父愈人謂孝通神明不異黔婁云執親喪哀毀特甚苦塊米飲不如疏果友愛諸季先人遺產弟蕩廢強半終身無怨色弟歿撫遺孤過於己子失偶時年二十七子眉甫五齡旁無妾媵誓不再娶於里黨姻戚竭力賙其緩急爲人分別有讓恭儉下人與人言依於忠孝謀事要於誠實蓋其敦厚彝倫根本自然非有強也嘗褴衣草履遨遊於平定祁汾間所至有墨痕筆跡工詩賦善古文詞臨池得二王神理該博古今典籍百家諸子靡不淹貫大叩大鳴小叩小鳴復自託繪事寫意曲盡其妙精岐黃術邃於脈理而時通以儒義不拘拘於叔和丹溪之言踵門求醫者戶常滿貴賤

一視之家故饒至是漸窘迫安貧樂道泊如也屋舍田園多爲細人竊據概置不問康熙戊子 詔舉博學宏詞廷臣交

章薦山山以老病辭不得入都卧病旅邸滿漢王公九卿賢士大夫逮馬醫夏畦市井細民莫不重山行義就見者羅溢其門子肩送迎常不及山但欹倚榻上言衰老不可爲禮諸賈人益以此重山弗之怪也明年三月吏部驗病入告奉

旨傅山文學素著念其年邁特授內閣中書著地方官存問遂放歸歸而愈淡泊自甘僻居遠村不入城府然欽其名者益衆率紆道往見以得一面爲榮又六年卒遠近會葬者數千百人山所著有性史十三經字區周易偶釋周禮音義辨

條春秋人名韻地名韻兩漢人名韻等書

嵇禮齋曰昔者嘗怪先生值堯舜之世篤志高尚懇辭徵辟
何其果也及讀漢史見周黨王霸之爲人乃知士各有志先
生蓋有道而隱者也彼誠見有明之季上下交征利卒滅亡
於寇盜之手固已心寄夫長林豐草矣甯復以青紫爲榮耶
此傳見蘇薇谷爾詔劉稼
莊贊所刻霜紅龕詩鈔後

附錄

太原傅山母夢老比丘而生生復不嘸一瞽僧至門云旣來
何必不嘸乃嘸六歲食黃精不樂穀食強之食乃復食讀十
三經諸子史如宿通者崇正中袁繼侯督學山西爲巡撫御

史張孫振誣劾被逮山橐館左右伏闕上書白其寃馬君常
世奇作義士傳謂山與汾陽薛宗周比之裴瑜魏邵亂後夢
天帝賜以黃冠衲衣遂爲道士裝醫術入神有司以醫見則
見不然不見也已未徵聘至京師以老病辭與范陽杜越君
異俱授中書舍人歸山工分隸及金石篆刻畫入逸品子眉
字壽毛亦工畫作古賦數十篇常鬻藥四方兒子共輓一車
暮抵逆旅輒篝燈讀經史騷選諸書詰旦成誦乃行否卽予
杖則其父子皆奇士也

按祁縣志載楓仲廷拭撰晉四家詩青士父子居其二池北偶談

太原古晉陽城中有傅先生賣藥處立碑衛生藥餌五字乃
先生筆也青主善醫而不耐俗病家多不能致然素喜看花

置病者於有花木寺觀中令善先生者誘致之聞病人呻吟
卽言羈旅無力延醫耳先生卽爲治劑無不應手而愈亭林
先生嘗以蕭然物外自得天機稱之

阮吾山

世補齋醫書後集

總目

重訂傅青主女科九卷

併作三卷

重訂戴北山廣溫熱論五卷

重訂綺石理虛元鑑五卷

校正王樸莊傷寒論註十二卷

計四種共二十五卷

女科目錄

卷一 調經

經水先期

經水後期

經水先後無定期

經水忽來忽斷寒熱往來

經水行後復行

經水數月一行

經未來腹先疼

經後少腹疼痛

經水將來臍下痛

經前吐血

經前大便下血

經前洩水

年老經水復行

年未老經水斷

卷二 種子

身瘦不孕

體肥不孕

怯弱不孕

虛寒不孕

腰痠腹脹不孕

便澀腹脹足浮腫不孕

骨蒸夜熱不孕

少腹急迫不孕

下部寒冷不孕

嫉妬不孕

卷三 崩漏

血崩昏暈

鬱結血崩

閃跌血崩

血海太熱血崩

交感血出

年老血崩

少婦血崩

卷四 帶下

白帶下

青帶下

黃帶下

黑帶下

赤帶下

卷五 妊娠

妊娠惡阻

妊娠口乾咽痛

妊娠吐瀉腹痛

妊娠少腹痛

妊娠浮腫

妊娠腰腹疼渴汗躁狂

妊娠子懸脇痛

妊娠子鳴腰痛

妊娠小便下血病名胎漏

妊娠跌損

妊娠多怒墮胎

妊娠中惡

卷六 小產

畏寒腹疼小產

大便乾結小產

大怒小產

跌閃小產

行房小產

卷七 臨產

血虛難產

氣逆難產

交骨不開

腳手先下

子死產門

子死腹中

胞衣不下

氣虛血暈

血暈不語

腸下

卷八 產後

敗血攻心暈狂

少腹疼

氣喘

血崩

惡心嘔吐

惡寒身顫

喘嗽四肢浮腫

氣血兩虛乳汁不下

鬱結乳汁不通

手傷胞胎淋漓不止

產後肝癢

產後肉線出

女科卷之一

陽曲傅山青主原本

元和陸懋修九芝校訂

調經

經水先期

婦人有先期經來者其經甚多人以為血之偏熱也誰知是
腎中水火交旺乎火太旺則血熱水太旺則血多此有餘之
故而非不足之病似可勿藥但過於有餘則子宮太熱亦難
受孕過者損之謂非既濟之道乎然火不可任其有餘而水
斷不可使之不足治法但少清其熱不必兼洩其水也方名

清經湯

青蒿 二錢 地骨皮 五錢 丹皮 三錢 黃蘗 五分鹽水浸炒

熟地 三錢 白芍 三錢酒炒 白茯苓 一錢

水煎服二劑而火自平此方雖是清火之品然仍是滋水之味火洩而水不與俱洩損而益也

又有先期經來祇一二點者人以爲血熱之極也誰知腎中火旺而陰水虧乎夫同是先期何分虛實而先期爲火氣之徵多寡卽水氣之驗先期而來多者火熱而水亦有餘先期而來少者火熱而水益不足也倘俱以爲有餘之熱但洩火而不補水或更水火兩洩之病有不增劇者乎治法并不必

湯 洩火而專補水水既足而火自消亦既濟之道也方名兩地

生地

一兩 酒炒

地骨皮

三錢

白芍

五錢 酒炒

元參

一兩

麥冬肉

五錢

阿膠

三錢

水煎服四劑而經調矣此方之用地骨生地能清骨中之熱骨熱由於腎熱清其骨髓則腎氣自清而又不傷胃氣之治之巧也況所用諸藥又純是補水之味水盛則火自平此當與上條參觀之一實一虛治必無誤

經水後期

其有經水後期而來多者人以爲血病於虛也誰知非血之

虛而為血有餘乎蓋後期固屬虛象而多寡大有不同後期而來少者血之寒而不足後期而來多者血之寒而有餘以經水原本於腎而其流則五藏六腑之血皆歸之故當經水之行而門啟不違迅闔則諸經血之來附益者乘其隙而皆出也然但可曰血既皆出則有餘者亦成不足耳若求治法則仍宜於補中溫散之不得謂逾期者之悉由不足也方名溫經攝血湯

熟地

一兩

白芍

一兩

五味子

三分

續斷

一錢

川芎

五錢

白朮

五錢

肉桂

五分

柴胡

五分

水煎服三劑而經調矣此方大補肝腎脾之精與血而加

肉桂以祛其寒柴胡以解其鬱是補中有散而散不耗氣
補中有洩而洩不損陰實調經之妙藥攝血之仙丹也凡
經來後期者俱可用元氣不足更宜加參用之如以爲血
熱則流而妄用寒涼則大誤

經水先後無定期

又有經水斷續或先或後無定期者人以爲氣血之虛也誰
知是肝腎之鬱乎經出於腎肝爲腎子肝鬱則腎鬱先後斷
續正肝氣之或通或閉耳子與母相關子病而母亦病腎氣
之不宣又何疑焉治法舒肝之鬱卽所以開腎之鬱乙癸同
治而經水乃有定期故疏肝尤急也方名定經湯

當歸一兩 酒洗 白芍一兩 酒炒 熟地五錢 兔絲子一兩 酒炒

山藥五錢 炒 茯苓三錢 黑芥穗二錢 柴胡五分

水煎服二劑而經水淨四劑而經期定矣此方舒肝腎之氣非通經之藥也補肝腎之精非利水之品也肝腎之氣舒而精通肝腎之精旺而水利不治之治妙於治矣

經水忽來忽斷寒熱往來

其有經水忽來忽斷時疼時止寒熱往來者人以爲血之凝也誰知是肝氣不舒乎肝屬木而藏血最惡風寒婦人當經行之際血室大開適逢風之吹寒之襲則肝氣爲之閉塞而經水之道路亦隨之俱閉久之而腠理經絡各皆不宣往來

寒熱由是起焉其氣行於陽分則生熱行於陰分則生寒然此猶感之輕者耳倘外感之風寒更甚而內應之熱氣益深且有熱入血室而變爲如狂之證者治宜及其內熱未深外邪猶淺卽補肝中之血通其鬱而散其風所謂血行風自滅者此其一也方用四物湯加味

熟地 一兩 當歸 五錢 川芎 三錢 柴胡 一錢 白芍 五錢

粉丹皮 三錢 甘草 一錢 白朮 五錢 延胡索 一錢

水煎服此方用四物以滋脾腎之陰血用柴胡白芍丹皮以宣肝經之風鬱用甘草白朮延胡以利腰臍而和腹疼入於表裏之間通乎經絡之內用之得宜自奏功如響也

經水行後復行

婦人有經水過多行後復行身體困倦面色痿黃者人以爲血熱有餘之故誰知是血虛而不歸經乎或謂血旺經多血虛經當縮今經多而反曰血虛是何言歟不知經者常也經能統血雖旺而經亦不多血不歸經愈衰而經愈不少惟世人見其過多而卽謂是血之旺此治之所以多錯耳倘經多果是血旺自是壯健之體便當行盡卽止精力如常何至一行再行漫無收攝此非血之虛有明徵邪血虛則氣弱陰傷及陽所以困倦及其身也血損則精散骨中髓空所以色不華於面也治法大補血而引之歸經方用四物湯加味

熟地 一兩 常歸 五錢 白芍 三錢 川芎 二錢 白朮 五錢

山萸肉 三錢 蒸 黑芥穗 三錢 續斷 一錢 甘草 一錢

水煎服四劑而血歸經十劑後加參三錢再服十劑下月
行經自適可而止矣四物乃補血之神品白朮荆芥補中
有利山萸續斷止中有行加甘草以調和諸品使之各得
其宜所以血足而歸經歸經而血靜也

經水數月一行

婦人有數月一行經者每以為常既無或先或後之病亦無
或多或少之殊人莫不以為異而何異也此蓋無病之人氣
血兩不虧損耳氣血既兩無虧損何以數月而經始一行誠

以坤貞之真氣內藏則坎中之真陽不損婦人中有天生仙骨者經水且一季一行蓋以季為準而不以月為盈虛也若加以煉形之法一年之內便易飛騰無如世人不識見經水不應月來認定為病輒投藥餌本無病而治之成病治反不如其不治矣山聞異人之教特為闡揚使世人見此等行經不必妄為治療萬勿疑為氣血之不足而漫曰通經也雖然天生之仙骨不多見而人事之耗損則甚多又不可不立一救療之法以輔之方則仍曰助仙丹明亦可施諸無病者耳

白茯苓

五錢

陳皮

五錢

白朮

三錢

白芍

三錢

山藥

三錢

兔絲子

二錢

杜仲

一錢

甘草

一錢

酒炒

河水煎四服而經復其常矣此方平補之中實有妙理健
脾益腎而不滯解鬱清痰而不洩不損天然之氣血便是
調經之大法何得用他藥以通經哉

經未來腹先疼

有經前腹疼數日而後行經者其經來多是紫黑塊人以爲
寒極而然也誰知是熱極而火不化乎肝屬木其中有火舒
則通暢鬱則不揚經欲行而肝不應則氣抑遏而疼生至經
滿不能內藏而鬱火又隨之怒洩其紫黑者水火兩戰之象
也其成塊者火煎痰結之狀也必數日而後經始行者正鬱
火之內奪其權也治法固宜大洩肝家之火然洩其火而不

先解其鬱則熱之標可去而熱之本未除其何能益方名宣

鬱通經湯

當歸

五錢 酒洗

白芍

五錢 酒炒

柴胡

一錢

丹皮

五錢

黑山梔

三錢

白芥子

二錢 炒研

香附

一錢 酒洗

鬱金

一錢 醋炒

黃芩

一錢 酒炒

生甘草

一錢

水煎連服四劑下月行經腹斷不先疼矣此方補肝之血而解肝之鬱利肝之氣而降肝之火所以奏功之速有如此者

經後少腹疼痛

又有少腹疼於行經之後者人固知是氣血之虛也誰知是

腎氣之涸乎經水乃天一真水滿則溢而虛則閉亦固其常
何以虛能作痛也蓋腎氣一虛則水不涵木木必剋土少腹
爲太陰部位木土相爭則氣必逆故有激而疼耳治法以舒
肝爲主而益以補腎之味則水足而肝得所養肝平而脾不
受侮逆之旣順又何疼痛之有方用調肝湯

當歸

三錢酒洗

白芍

三錢酒炒

阿膠

三錢白麵炒

山藥

五錢炒

山萸肉

三錢蒸熟

巴戟肉

一錢水浸

甘草

一錢

水煎服此平調肝氣之方旣能轉逆氣又善止鬱痛經後
之證以此方調理最佳不必其定屬腹疼也

經水將來臍下先疼痛

又有經水將來三五日前臍下作痛如刀刺者或更寒熱交
 作所下如黑豆汁人莫不謂溼熱之下注誰知是寒溼之互
 滯乎婦人衝任之脉居於下焦最惡寒溼衝為血海任為血
 室經水由二經而外出寒溼滿二經而內亂兩相爭故作痛
 至寒又生濁而下如豆汁之黑者見北方寒水之色也此則
 邪愈盛而正日衰矣治法利其溼温其寒使衝任無邪氣之
 侵斯臍下自無疼痛之苦方名温臍化溼湯

白朮

一兩
土炒

巴戟肉

五錢
鹽水浸

白果

十枚
搗碎

扁豆

三錢
炒搗

建蓮子

三十枚
不去心

山藥

五錢
炒

白茯苓

三錢
炒

水煎服四劑而邪氣去經水調兼可種子須於經未來前

十日服也此方君白朮所以利腰臍之氣佐用巴戟白果所以通任脉之氣扁豆山藥蓮子所以衛衝脉之氣使以茯苓者助其氣而滲其溼也由是寒溼掃除經調受孕倘概指爲溼熱妄用寒涼則衝任血冷血海變爲冰海血室反成冰室矣無論難於生育卽疼痛亦安得而止哉

經前吐血

經未行之前一二日有忽然腹痛而吐血者甚至不下而上竟作倒經人以爲火熱之極也誰知是肝氣之逆乎肝性最急宜順不宜逆順則氣安逆則氣動經之行也血爲之無非氣爲之也或謂經逆在腎不在肝今之血逆妄行竟至從口

而出其肝不藏血之故乎抑腎不納氣而然乎夫少陰之火
 急如奔馬得肝火直沖而上其勢最捷反經為血亦屬至便
 雖肝不藏血固由於腎不納氣而其激之使然則惟肝氣為
 之主故治法宜順氣以平肝不必益精以補腎惟反覆顛倒
 腎氣未免亦傷則於順氣中亦當兼納氣法耳方名順納湯

當歸

五錢
酒洗

熟地

五錢

白芍

二錢
酒炒

丹皮

五錢

白茯苓

三錢

沙參

三錢

黑芥穗

三錢

水煎服一劑而吐血止二劑而經順十劑不再發此方於
 調經和血之中即寓引血歸經之義肝不逆而腎氣順又
 何經逆之有哉

經前大便下血

又有行經之前一日大便先下血者人以為血崩之漸誰知是經流於大腸乎夫大腸與行經之路各有分別何以能入於迴薄之間而直趨後陰不知胞胎之系上通心而下通腎心腎不交則胞胎之血無檢攝不走小腸而走大腸觀於泄瀉者之絕無小水一分利而仍由故道者可知其血猶是經而不同於崩也治法若單止大腸之血而絕不使水火之濟血安得循行而不忒哉方名順經兩安湯

人參 三錢

麥冬

五錢

去心熟地

五錢

山萸肉

二錢

巴戟肉

一錢 鹽水浸

當歸

五錢 酒洗

白芍

五錢 酒炒

白朮

五錢 土炒

黑芥穗 二錢
升麻 四分

水煎服二劑大腸血止而經從前行矣三劑經止而兼可受孕矣此方乃大補心肝腎三經之藥全不去顧胞胎而胞胎之血自有所歸以心腎之氣交也心腎虛則其氣分足則其氣合而胞胎之氣亦聽攝於二經然則心腎不交補心腎焉可也又何必兼及夫肝耶不知肝爲腎子而亦心之母也補肝則肝氣往來於心腎間自然上引心而下入於腎下引腎而上入於心不啻介紹之助矣此又交通心腎之一大法門不特爲調經設也

經前洩水

婦人有經未來前必洩水一二日而後行者人以爲血旺之故誰知是脾氣之虛乎脾統血脾虛則不能攝血矣脾屬溼土脾虛則土必不實矣土不實而溼更甚經水將動脾先不固脾所統之血欲流注於血海而溼往乘之所以先洩水而後行經也調經之法治其水先調其血調其血先補其氣氣旺則溼自除血自固經自調矣方名健固湯

人參 五錢 白朮 一兩 薏仁 三錢 茯苓 三錢

巴戟肉 三錢 鹽 水浸

水煎服十劑經前不洩水矣此方健脾氣以固脾血則血攝於氣之中脾氣日強溼自然化濕既化盡經自然調又

何經前洩水之證哉

年老經水復行

婦人有年五六十經斷已久忽又行經者或下紫黑塊或如紅血淋人或謂是還少之象誰知是血崩之漸乎婦人年至七七以外天癸已竭又不加煉形之法如何能精滿化經一如少婦此非肝之不藏必脾之不攝非精故泄而動命門之火卽氣因鬱而發龍雷之炎二火交煽而血乃奔有似平行經而實非經也此等證非大補肝脾之氣血而血安能驟止且恐血脫氣亦脫矣方名安老湯

人參

一兩

生黃芪

一兩

熟地

一兩

山萸肉

五錢

蒸

阿膠一錢蛤粉炒

黑芥穗一錢

當歸五錢酒洗白朮五錢土炒

甘草一錢

香附五分酒炒木耳炭一錢

水煎服一二劑減四劑全減十劑愈此方補益肝脾之氣氣足則自能攝血尤妙在大補腎水水足而肝氣自舒肝舒而脾自得養肝藏之脾統之安有洩漏之證又安有崩淋之慮哉

年未老經水斷

女子七七而天癸絕未及其年而經先斷者人以爲血枯之極也誰知是心肝脾之氣鬱乎使其血而眞枯安能久延於世人見其經水不行卽妄謂之血枯其實非血之枯而經之

閉也且夫經原非血乃天一之水出自腎中至陰之精而有至陽之氣其爲色赤陰中陽也古昔聖賢所以立經水之名者原以陽生陰化自有常經以其爲癸干之化故又名天癸無如世人沿襲而不思其旨以其色赤似血而卽以血視之此千古之誤牢不可破者也倘果是血則何不卽名爲血而必曰水乎且血豈可使之常出而乃曰經乎婦人一有孕卽以此水養胎則不月矣一有子卽以此水化乳亦多不月矣乳汁之色白胞衣中之水亦白而皆可謂之血乎年四十九而天癸絕所絕者癸水耳不然而何以流行之血不見其虧也然則經之早斷當專責之腎水矣而吾以爲心肝脾之氣

鬱者則又何哉水位之下有土氣土位之下有木氣火位之
下有水氣三經有一之或鬱卽其氣不能入於腎而腎氣亦
爲之不宣況三經俱鬱而腎氣本虛其不能盈滿化經閉塞
而不以時洩宜也治法必散其心肝脾之鬱而大補其心肝
脾之氣則腎精充溢而經水自行矣方名益經湯

人參 二錢

當歸 五錢

生棗仁 三錢

丹皮 二錢

沙參 三錢

白芍 三錢

柴胡 一錢

白朮 一兩

熟地 一兩

杜仲 一錢

山藥 五錢

水煎服八劑而經通服至經不再閉兼可受孕此方心肝

脾腎四經同治藥也妙在補以通之散以開之倘徒補則

鬱不開而生火徒散則氣益衰而耗精設更用攻堅之劑
辛熱之品殆矣

白芍藥 補肝氣 治腹痛 止泄瀉 去積聚 散惡氣 治婦人 經水不調 崩漏帶下 胎前產後 諸疾 皆宜 之藥 也

柴胡 補肝氣 治胸脅 痛 治寒熱 往來 治婦人 經水不調 崩漏帶下 胎前產後 諸疾 皆宜 之藥 也

人參 補元氣 治虛弱 治氣短 治神疲 治食慾不振 治失眠 治健忘 治遺精 治白帶 治婦女 經水不調 崩漏帶下 胎前產後 諸疾 皆宜 之藥 也

白芍藥 補肝氣 治腹痛 止泄瀉 去積聚 散惡氣 治婦人 經水不調 崩漏帶下 胎前產後 諸疾 皆宜 之藥 也

柴胡 補肝氣 治胸脅 痛 治寒熱 往來 治婦人 經水不調 崩漏帶下 胎前產後 諸疾 皆宜 之藥 也

人參 補元氣 治虛弱 治氣短 治神疲 治食慾不振 治失眠 治健忘 治遺精 治白帶 治婦女 經水不調 崩漏帶下 胎前產後 諸疾 皆宜 之藥 也

白芍藥 補肝氣 治腹痛 止泄瀉 去積聚 散惡氣 治婦人 經水不調 崩漏帶下 胎前產後 諸疾 皆宜 之藥 也

柴胡 補肝氣 治胸脅 痛 治寒熱 往來 治婦人 經水不調 崩漏帶下 胎前產後 諸疾 皆宜 之藥 也

人參 補元氣 治虛弱 治氣短 治神疲 治食慾不振 治失眠 治健忘 治遺精 治白帶 治婦女 經水不調 崩漏帶下 胎前產後 諸疾 皆宜 之藥 也

女科卷之二

陽曲傅山青主原本

元和陸懋修九芝校訂

種子

身瘦不孕

婦人有身軀瘦怯久不孕育一交感卽病卧者人以爲氣虛之故誰知是血虛之故乎或謂血藏於肝精涵於腎交感乃洩腎之精與血虛何與不知肝氣不降精不能洩腎精旣洩肝不受蔭以腎爲肝母母旣洩精不能分潤以養其子則木燥乏水而火且暗動以爍精腎於是虛肝於是益虛矣况瘦

人多火又失其精則水益少而火益熾火在水上其象為未濟也惟瘦人偏易動火惟火盛偏易走泄此虛燥之火所以不能生物治法宜大補腎水而平肝木水旺則血旺血旺則火消便成水在火上既濟之象矣方名養精種玉湯

熟地 一兩

山萸肉 五錢

蒸熟

當歸 五錢

酒洗

白芍 五錢

酒炒

水煎服三月便可身健受孕此方之用不特補血而純於填精精滿則子宮易於招精同類相從也血足則子宮易於攝精二氣相感也惟貪慾者往往不驗服此須節慾三
 月心靜神清自無不孕之理否則必無效也

體肥不孕

又有身體肥胖絕無病恙而不孕者人且以爲血氣之充足誰知是溼盛而氣虛乎夫感受之溼由乎外而肥人之溼由乎內乃脾土自病也每見溼盛者多肥胖肥胖者多痰涎外似壯而內實虛內虛則氣衰而溼益不行勢必浸淫於胞胎之內而日積月累胞胎竟作汪洋之窟矣且肥胖之婦內肉必滿遮隔子宮精不能受又加以水溼之盛且易化精成水治法固必以洩水化痰爲主然徒事洩化而不急補脾胃則陽氣不旺溼痰不去有損無益吾未見其可也方用補中益氣湯加味

人參

三錢

黃芪

三錢

白朮

一兩

當歸

三錢

甘草 一錢
柴胡 一錢
升麻 四分
陳皮 五分

茯苓 五錢
半夏 三錢
製

水煎服八劑痰涎盡消再十劑水濕利子宮涸出易於受
精而孕矣此方之妙妙在提脾氣而升於上作雲作雨水
溼反利於下行助胃氣而消於下為液為津痰涎轉易於
上化不必用剋削之品以損其肥而肥自無礙不必用濬
決之味以利其竅而竅自能通陽氣充足濕邪散除自可
受種何不孕之足慮乎

怯弱不孕

婦人有氣怯力弱飲食少進久不受孕者人以為脾胃氣虛

也誰知是腎氣不足乎夫氣必升騰乃能運化脾胃氣陷人
乏水穀之養則精神自易怯弱似乎病在脾胃然脾胃之氣
實生於腎無腎中之水氣則胃氣不能升騰無腎中之火氣
則脾氣無由運化然則欲補脾胃可不急補兩腎之氣乎治
法補腎而兼補脾胃則腎中水火二氣自升提於至陽之上
矣方名升提湯

熟地

一兩

山萸肉

三錢

巴戟肉

一兩 鹽水浸

枸杞

二錢

白朮

一兩 土炒

人參

五錢

生黃芪

五錢

柴胡

五分

水煎服三月而腎氣大旺再服一月未有不受孕者此方

補氣之藥多於補精似乎仍主脾胃不主腎氣不知脾胃

健而生精自易是補脾胃之氣與血正所以補腎之精與水也況君以補精之品則地天交泰隨遇皆化機矣安有不生育者哉

虛寒不孕

又有飲食不運胸膈脹滿時多嘔洩久不受孕者人以爲食停氣滯也誰知是脾胃虛寒乎脾胃虛寒由於心腎胃土非心火不生脾土非腎火不化心腎火衰土失生氣旣不能消水穀以運化精微自無津液以灌溉胞胎矧其脾胃不健則帶脉必然無力卽能受孕亦恐墮落是在補腎命門與心包絡之火以溫脾胃二經之火脾胃之母也母旺子必不弱母

富子必不貧斯得子病治母之義耳方名温土毓麟湯

巴戟肉一兩去心酒浸懷山藥五錢炒覆盆子一兩酒浸蒸

白朮五錢土炒人參三錢神麴一錢炒

水煎服一月可以種子矣此方補脾胃而先補命門包絡之火則脾胃無寒冷之虞子母相顧和合一家藥味不多四經並治氣血旺而能任帶脉有力無虞墮落矣

腰痠腹脹不孕

婦人有腰背痠楚疝瘕腹脹不能久坐久立百計求嗣不得者人以爲腰腎之虛也誰知是任督之困乎夫任脉行身之前督脉行身之後皆從帶脉而上下行也任脉虛則帶墜於

前督脉虛則帶墜於後任督之脉虛必疝瘕之證作疝瘕礙
 胞胎而外障則胞胎縮於疝瘕之內往往精施而不能受雖
 餌以玉燕亦何益哉治法必先去其疝瘕而更補其任督則
 外無所障自內有所容毓麟之喜不日可待矣方用升帶湯

白朮一兩 人參三錢 半夏一錢 神麴一錢 沙參五錢

肉桂一錢 茯苓三錢 葶藶粉三錢 鼈甲三錢

水煎長服之任督之氣旺矣此方利腰臍卽以升任督任

督之氣升斯疝瘕自有難容之勢況有肉桂以散寒茯苓

以利溼葶藶以祛積鼈甲以攻堅八脉既諧奇經無病矣

便澀腹脹足浮腫不孕

又有小水艱澀腹脹腳腫不能受孕者人以為小腸之熱也
誰知是膀胱之氣不化乎蓋人身水溼之氣必走膀胱而膀
胱不能自化必得腎氣以相通始能化水以出不得其氣則
水溼不化而且滲入胞胎之內膀胱與胞胎相近膀胱病而
胞胎亦病竟成汪洋之田又何能生物也哉治法必須壯腎
水以化胞胎之溼益腎火以消膀胱之水先天既壯水溼自
除膀胱利胞胎煖未有布種而不穫者方名化水種子湯

巴戟

一兩鹽水浸

白朮

一兩

人參

三錢

兔絲子

五錢

芡實

五錢

茯苓

五錢

車前子

二錢酒炒

肉桂

一錢去粗皮研

水煎服二劑而膀胱之氣化四劑而艱澀之證除又十劑

而虛脹腳腫之病消更長服之而腎氣大旺胞胎溫煖斯
易受孕矣此方利膀胱全在補腎中之氣煖胞胎全在壯
腎中之火尤妙於補火而無燥烈之虞補水而非濡潤之
品卽佐以通利亦非蕩滌所以發榮滋長於無窮也與

骨蒸夜熱不孕

婦人有骨蒸夜熱徧體火焦口乾舌燥欬嗽吐沫難於有子
者人以爲實火可瀉也誰知是虛火宜補乎夫寒陰之地固
不生物而燥乾之田豈能長養此骨髓內熱所以有礙於胞
胎也胞胎上繫心包繫心包者通於心心者陽也下則系於
命門系命門者通於腎腎者陰也胞胎旣通於腎而骨髓卽

腎之所化骨髓過熱骨中空虛惟存火烈之氣而胞胎不得骨髓之養亦何能不熱哉治法固宜清骨中之熱而其熱由於水虧是必先補其腎陰而後骨熱可解焦土而無燎原之憂珠露乃有涵濡之喜王太僕曰壯水之主以制陽光其卽此病也夫方名清骨滋腎湯

地骨皮

一兩

酒洗丹皮

五錢

石斛

二錢

麥冬

五錢

去心

元參

五錢

酒洗沙參

五錢

五味子

五分

炒研白朮

三錢

土炒

水煎服至骨熱解再接服而自能受孕矣此方補腎中之精涼骨中之熱不清胞胎而胞胎自無太熱之患此病本由骨髓過熱所以受精變燥以致艱於生育本非胞胎之

不能受精者可比故稍補其腎以損其火之有餘而益其
水之不足便易種玉耳

少腹急迫不孕

婦人有少腹之間自覺緊迫不舒不能生育者人所不識誰
知是帶脉之拘急乎帶脉系於腰臍之間宜舒不宜急今脾
胃之氣不足則腰臍之氣不利必致帶脉拘急牽動胞胎精
果直射胞胎或亦暫能茹納而力難附載勢必動搖又或不
能節慾安保其不隨孕隨墮乎此帶脉之急所以不能生子
也治法宜寬其帶脉之急而帶脉不能遽寬也宜利其腰臍
之氣而腰臍亦不能遽利也必大補其脾胃之氣與血而後

腰臍利帶脉寬自有維繫之力矣方名寬帶湯

人參 三錢 麥冬 三錢 去心 五味 三分 炒 建蓮子 二十粒 不去心

熟地 五錢 當歸 二錢 酒洗 白芍 三錢 酒炒 杜仲 三錢 炒黑

巴戟肉 五錢 酒浸 補骨脂 一錢 鹽水浸 肉蓯蓉 三錢 洗淨 白朮 一兩 土炒

水煎服四劑少腹無緊迫之狀一月即受胎此方脾腎兩

補又利腰臍之氣自然帶脉寬舒或疑帶欲其寬而反用

五味白芍之酸收不愈增其急乎豈知帶脉之急由於氣

血之虛血虛則縮而不伸氣虛則攣而不達用白芍之酸

以平肝木則肝不剋脾用五味之酸以生腎水則腎能益

帶似相反而實相濟也何疑之有

下部寒冷不孕

婦人形寒水冷非火不煖交感之際陰中絕無溫熱之氣人
 以為賦稟之薄也誰知是胞胎寒極乎從來沍寒之地不生
 草木重陰之淵不長魚龍胞胎既寒何能化育夫同是胞胎
 何獨一寒至此豈非天賦之薄乎而不知非也胞胎居心腎
 之間胞胎之寒心腎二火之衰微也故治胞胎者必補心腎
 二火而用藥又切戒燥熱惟取其春日溫和之氣使之細溫
 化成焉耳方用溫胞飲

白朮

一兩
土炒

巴戟肉

一兩
鹽水浸

人參

三錢

山藥

三錢
炒

芡實

三錢
炒

附子

三分
製

杜仲

三錢
炒黑

補骨脂

二錢
鹽水炒

兔絲子

三錢酒浸炒

肉桂

二錢去粗皮

水煎服一月而胞胎煖此方之妙在補心而卽補腎溫腎而卽溫心心腎氣旺而火自生胞胎受蔭而寒自散尙有施而不受者乎原方改湯爲丸朝夕吞服尤宜

嫉妬不孕

婦人有懷抱素惡不能生子者人以爲天心厭之也誰知是肝氣鬱結乎夫有娠之脉左寸必流利而滑右關必舒徐而和兩尺必滑大而鼓指未有三部脉鬱而能有子者也三部之鬱皆由於肝肝木不舒必致心腎不交而又下剋脾土則腰臍之力弱任帶之氣塞胞胎之門亦因之而閉矣治法解

肝鬱以通三經之氣則氣血調而情性亦和滿腹皆春陽之氣矣方名開鬱種玉湯

當歸

五錢酒洗

白芍

一兩酒炒

白朮

五錢土炒

茯苓

三錢去皮

丹皮

三錢酒洗

天花粉

二錢

香附

三錢酒炒

水煎服一月肝舒鬱解心氣和平兩相好合自結珠胎於頃刻閒矣此方之妙妙在專解肝鬱不更縷治而脾氣宣心腎交腰臍利任帶通胞胎之門啟實是種子秘鑰豈直為療妬羹哉

女科卷之三

陽曲傅山青主原本

元和陸懋修九芝校訂

崩漏

血崩昏暈

婦人有一時血崩兩目黑暗昏暈在地不省人事者人固知是火盛動血也然此非實火乃虛火耳世人一見血崩往往驟用止澀之品雖亦能取效一時但不用補陰之藥則虛火不降隨止隨發以致經年累月不能全愈者有之故必於補陰之中行止崩之法不專乎澀而自無不止也方用固本止

崩湯

熟地 一兩 白朮 一兩 黃芪 三錢 當歸 五錢
土炒 生 酒洗

黑薑 一錢 人參 三錢

水煎服一劑崩止十劑不再發方妙在全不去止血而專補血又不專補血而更補氣且不惟補氣而更補火蓋血崩而至黑暗昏暈則血已大去僅存一線之氣耳若僅補其血而不急補其氣則有形之血不能遽生而無形之氣必至盡散此所以補血而先補氣補氣而先補火也用黑薑者使之引血歸經是補中又有收斂之義

鬱結血崩

婦人有懷抱鬱結口乾舌渴嘔吐吞酸而血下崩者人皆以
火治之時而效時而不效其故何也是不識爲肝氣之鬱也
或疑肝主藏血氣鬱血亦宜鬱何以反至崩漏蓋肝之性急
氣結則其急更甚故血不藏而反下趨也治法固以開鬱爲
主然徒開其鬱而不知平肝則肝氣大開肝火更熾而血亦
不能止方用平肝開鬱止血湯

白芍

一兩醋炒

柴胡

一錢

白朮

一兩土炒

荆芥穗

二錢炒黑

丹皮

三錢

生地

三錢酒炒

當歸

一兩酒洗

三七根

三錢研末

甘草

二錢

水煎服一劑嘔吐止二劑乾渴除四劑血崩愈方妙在白

芍平肝柴胡開鬱白朮利腰臍則血無停住之虞荆芥通
經絡則血有歸還之樂丹皮又清骨髓之熱生地復清臟
腑之炎當歸三七於補血中行止血法自然鬱結散血崩
止矣

閃跌血崩

婦人有升高墜落或閃挫受傷以致惡血下流有如血崩之
狀者若以崩治而用補澀之劑是關門捉賊也此證之狀必
手按之而疼痛是爲拒按屬實久之則面色痿黃形容枯槁
乃是瘀血作祟非血崩之因於氣虛者可比倘不知解瘀遽
投補澀則瘀血內攻疼無止時反致新血不得生舊血無由

化矣治法須行血以去瘀活血以定疼方用逐瘀止血湯

酒炒 生地 一兩 大黃 三錢 赤芍 三錢 丹皮 一錢

當歸尾 五錢 枳殼 五錢 龜版 三錢 桃仁 十粒 泡

水煎服一劑疼輕二劑疼止三劑血亦全止不必再服矣

此方之妙妙於活血之中佐以下滯之品故逐瘀如掃而

止血如神或疑跌閃升墜由外傷內雖不比內傷之重而

既至血崩則內之所傷亦不為輕何以祇治其瘀而不顧

其氣也殊不知此實外傷重而內傷輕猶之暴病元氣未

漓本實不撥去其標病可耳故亦可曰緩則治其標

血海太熱血崩

婦人有每行人道經水卽來一如血崩者人以爲胞胎有傷觸之以動其血也誰知是子宮血海因太熱而不固乎夫子宮卽在胞胎之下而血海又在胞胎之上血海者衝脉也衝脉寒而血卽虧衝脉熱而血卽沸血崩之爲病正衝脉之太熱也然旣由衝脉之熱則應常崩而無有止時何以行人道而始作果與肝脾無與耶夫脾健則能攝血肝平則能藏血人未入房之時君相二火寂然不動雖衝脉獨熱而血亦不至外馳及有人道之感則子宮大開君相火動翕然以鼓其精房於是而血海泛濫遂有不能止遏之勢肝欲藏之而不能脾欲攝之而不得故經水隨交感而至是惟火之爲病也

治惟滋陰降火以清血海而和子宮則終身之病可半載而除矣然必絕慾三月乃可方用清海丸

熟地 一斤
山藥 十兩
山萸肉 十兩
丹皮 十兩

五味 二兩
炒 麥冬肉 十兩
白朮 一斤
白芍 一斤

龍骨 二兩
地骨皮 十兩
乾桑葉 一斤
元參 一斤

沙參 十兩
石斛 十兩

右十四味各為細末合一處煉蜜丸桐子大早晚每服五錢白滾水送下半載全愈此方補陰而無浮動之慮縮血而無寒涼之苦日計不足月計有餘潛移默奪子宮清涼血海自固倘不揣其本而齊其末徒用髮灰白礬黃連炭

五焙子等藥末以外治其幽隱之處恐愈澀愈流終必至於敗亡也此治病所以必求其本與

交感血出

婦人有一交合則流紅不止者雖不至於血崩之甚而未免血氣兩傷久則恐有血枯經閉之憂此病蓋以交合於經正來時精冲血管而成當其經水正旺彼欲湧出而精射之則欲出之血反退而縮入既不能受精而成胎勢必至集精而化血後遇交感之際淫氣觸動其舊日之精則感召欲出而血亦隨之以滲矣治法通其胞胎之氣引舊日集精外出而益以補氣補精之藥則血管之傷可以補完而無患方用引

精止血湯

人參 五錢
白朮 一兩土炒
茯苓 三錢
熟地 一兩

山萸肉 五錢
黑薑 一錢
黃蘗 五分
荆芥穗 三錢

車前子 三錢
酒炒

水煎服四劑愈十劑不再發此方用參朮以補氣地黃以補精精氣旺則血管流通加入茯苓車前以利水竅水利血管亦利又加黃蘗為引直入血管之中而引夙精出於血管之外芥穗引敗血出於血管之內黑薑以止血管之口一方之中實有調停曲折之妙故能祛舊病而除陳疴然必須慎房幃三月庶破者不至重傷補者不至重損否

則不過取目前之效耳其慎之哉

年老血崩

婦人有年老血崩者其證亦與前血崩昏暈者同人知是老婦之虛耳而或者是房幃之不慎乎夫婦人至經斷以後天癸本已匱乏而或腎火妄動鮮不血室大開者甚則崩漏而決矣方用加減當歸補血湯

當歸

一兩

生黃芪

一兩

三七根

三錢

桑葉

十四片

水煎服二劑而血少止四劑不再發然不知自慎未有不重病者也夫補血湯乃氣血兩補之神劑三七根乃止血之聖藥加入桑葉者滋腎之陰又有收斂之妙也但陰精

既虧用此方以止暫時之漏實有奇功而不可責其永遠
之績者以補精之味尙少也服此四劑後再增入 白朮
五錢 熟地 一兩 山藥 四錢 麥冬 三錢 北五味 一錢
劑則崩漏之根可盡除矣 連服百

少婦血崩

有少婦甫娠三月卽便血崩而胎亦隨墮者人以爲挫閃受
傷而致誰知是房幃不慎之過乎夫少婦之有房事亦其常
耳何便血崩蓋氣弱則精易洩精大洩則氣益動而血不能
固胞胎無所依養其崩且墮焉宜也治法自當以補氣爲主
而少佐以補血之品斯爲得之方用固氣湯

人參 一兩

白朮

五錢 土炒

熟地

五錢

當歸

三錢 酒洗

茯苓

二錢

甘草

一錢

杜仲

三錢 炒黑

山萸肉

二錢 蒸

遠志

一錢 去心

五味子

十粒 炒

水煎服一劑而血止連服十劑全愈此方固氣而兼補血
已去之血可以速生將脫之血可以盡攝凡氣虛而崩漏
者此方悉可通治非僅治小產之崩其最妙者不去止血
而止血之味含於補氣之中也

女科卷之四

陽曲傅山青圭原本

元和陸懋修九芝校訂

帶下

白帶下

帶下之病皆屬於溼謂之帶者以帶脉而名也帶脉者所以
約束胞胎之繫其脉通於任督任督病則帶脉無力難以提
繫必致胞胎不固故帶弱者胎易墜焉至於氣不化經寢成
帶病則凡脾氣之虛肝氣之鬱溼熱之侵皆能致之故有終
年累月下流白物如涕如唾甚則氣穢者所謂白帶也帶下

之病白帶為多此蓋由於肝鬱乘脾脾精不守既不能化榮
 血以為經水則溼土之氣即下陷而為病耳治法宜大補脾
 氣而稍佐以舒肝之品使風木不閉塞於地中則地氣自升
 騰於天上氣健溼除自無帶患矣方名完帶湯

白朮

一兩
土炒

山藥

一兩
炒

人參

二錢

白芍

五錢
酒炒

車前子

三錢
酒炒

蒼朮

三錢
製

甘草

一錢

陳皮

五分

黑芥穗

五分

柴胡

六分

水煎服二劑輕四劑止六劑則白帶全愈此方脾胃肝三
 經同治之法寓補於散寄消於升開提肝木之氣則肝血
 不燥何至下剋脾土補益脾土之元則脾氣不濕何難分

消水氣至於補脾而兼以補胃者由裏以及表也且非胃氣之強則脾氣不旺是補胃正所以補脾耳

青帶下

有帶下色青甚則綠如菜豆汁稠黏不斷其氣腥臭者所謂青帶也此乃肝經溼熱肝屬木木色青帶下如菜豆汁明是肝木之病矣或曰肝木最喜水潤溼亦水之所積何以肝爲之病不知水爲肝木所喜而溼則肝木所惡溼爲土之氣故也以所惡者合之所喜性必有違者矣肝之性違則肝之氣逆氣欲上升溼欲下降兩相牽掣停住於中焦之間而走入帶脉其色青綠者肝家之氣化也逆輕者熱少輕而色青逆

重者熱更重而色綠未必治青易而治綠難也解肝木之火
利膀胱之水則青綠之帶病均除矣方用逍遙散加減

茯苓 五錢 白芍 五錢 甘草 五錢 柴胡 一錢
酒炒 生用

陳皮 一錢 茵陳 三錢 梔子 三錢
炒

水煎服三劑而色淡四劑而青綠之帶絕不必過劑矣夫
逍遙散之立法也乃解肝鬱之藥耳何治青帶若斯其神
與蓋溼熱之留於肝經因肝氣之鬱也鬱則必逆惟逍遙
散能解其鬱逆而使之逍遙而又益之以茵陳之利溼梔
子之清熱鬱逆既解肝氣得清溼熱自去此方之所以奇
而效捷也倘僅以利溼清熱治帶而置肝氣於不問帶安

得而止哉

黃帶下

有帶下面色黃者宛如黃茶濃汁其氣腥穢所謂黃帶也此爲任脉中溼熱任脉本不能容水溼安得入而化爲黃帶乎則以帶脉橫生通於任脉任脉直上走於唇齒唇齒閒原有不斷之泉下貫任脉以化精惟任脉有熱氣之擾則華池之津液不化精而反化溼溼者土之氣而水成之熱者火之氣而木生之水色本黑火色本紅今溼與熱合欲化紅而不能欲返黑而不得煎熬成汁變而爲黃此乃不從水火之化而從溼化所以有此黔色也治法宜補任脉之虛而清腎火之

炎若沾沾以黃屬脾色單去治脾何能痊平方名易黃湯

山藥 一兩
芡實 一兩
白果 十枚
黃蘗 二錢

車前子 一錢

水煎服四劑無不全愈者此不特治黃帶方也凡病帶者均可治而以治帶之黃者功更奇耳蓋山藥芡實專補任脉之虛又能利水加白果引入任脉更為便捷而又必用黃蘗車前以清腎中之火者腎與任脉相濟解腎中之火即解任脉之熱也

黑帶下

帶下色黑甚則黑如豆汁其氣亦腥所謂黑帶也此屬火熱

之極或疑火色本紅何以成黑謂爲下寒之極或有之殊不知火極似水乃假象也其證必腹中痛小便時如刀刺陰門必發腫面色必發紅日久必黃瘦心下必躁煩口中必熱渴飲以涼水少覺寬快此胃火太旺與命門膀胱三焦之火合而煎熬所以熬乾而變爲炭色斷是火熱之極之變而非少有寒氣也此等證不至於發狂者全賴腎水與肺金無病養其生生不息之氣潤心濟胃以救之所以但成黑帶之證猶是火結於下而不炎於上耳治法惟以洩火爲主則熱退而溼自除方名利火湯

黃連

三錢

石膏

五錢

梔子

三錢

劉寄奴

三錢

知母 二錢

大黃 三錢

王不留行 三錢

白朮 五錢
土炒

茯苓 三錢

車前子 三錢
酒炒

水煎服一劑小便疼止而通利二劑黑帶變為白三劑白亦少減再三劑全愈矣或謂此方過於迅利不知火盛之時用不得依違之法譬如救火之焚而少為遼緩則火勢燎原矣今用黃連石膏梔子知母一派寒涼之品入於大黃之中則迅速掃除而又得王不留行與劉寄奴之利溼甚急佐以白朮輔土茯苓溼車前利水則溼熱無停住之機而火退水進矣

赤帶下

有帶下而色紅者似血非血淋瀝不斷所謂赤帶也赤帶亦
 溼病溼是土之氣宜見黃白色今不見黃白而見赤者火熱
 故也火色赤故帶下亦赤此非獨命門之火出而擾之也帶
 脉通於腎腎氣通於肝婦人憂思傷脾又加鬱怒傷肝於是
 肝經火熾下剋脾土脾不運化致溼熱之氣陷於帶脉之間
 而肝不藏血亦滲於帶脉之內所以似血非血之現於其色
 也人以赤帶屬之心火誤矣治法須清肝火而扶脾氣方名
 清肝止淋湯

當歸一兩
酒洗

白芍一兩
醋炒

生地五錢
酒炒

阿膠三錢
白麵炒

丹皮三錢

黃蘗二錢

香附一錢
酒炒

牛膝二錢

紅棗 十枚
小黑豆 一兩

水煎服一二劑少止四劑全愈十劑不再發此方但主補肝之血全不利脾之溼以赤帶之爲病火重而溼輕也火之旺由於血之衰故補血卽足以制火而第少加清火之味倘一利其溼則引火下行而轉難遽效矣或曰先生前言當助脾氣今但補其肝血何也不知用芍藥以平肝則肝氣得舒自不克土脾不受剋則土自旺是平肝正所以扶脾而無藉乎參朮之品也

門下晚學生馮汝玖校字

女科卷之五

陽曲傅山青主原本

元和陸懋修九芝校訂

妊娠

妊娠惡阻

婦人有娠之後惡心嘔吐思酸解渴見食憎惡困倦欲臥人皆混稱之爲惡阻而亦知肝血之獨燥乎夫婦人受孕本於腎氣之旺腎旺故能攝精然腎一受精而成孕則腎水生胎不暇化潤於五臟而肝爲腎子本日食母氣以舒一日無津液之養則肝氣迫索而求救腎水又不之應則肝益急急則

火動而逆矣肝氣既逆嘔吐惡心之證作嘔吐縱不至太甚而其傷氣則一也氣既受傷肝血愈耗四物湯治胎前諸症正以其能生肝血耳夫補肝以生血未爲不佳然但生血而不知生氣則脾胃衰微不勝頻嘔恐氣虛而血正不易生也故於平肝補血中必加以健脾開胃之品然後氣能生血而胎亦得資其助或疑氣逆而用補氣之藥不益助其逆乎不知妊娠惡阻其逆不甚且逆是因虛而逆非因邪而逆也因邪而逆者助其氣則逆增因虛而逆者補其氣則逆轉況補氣於補血之中則陰足制陽又何慮其增逆乎方用順肝益氣湯

人參 一兩

白朮 三錢

茯苓 二錢

熟地 五錢

當歸 一兩

白芍 三錢

麥冬 三錢

陳皮 三分

砂仁 一粒

蘇子 一錢

神麴 一錢

炒

酒炒

去心

炒研

水煎服一劑輕二劑平三劑全愈此方平肝則肝逆除補腎則肝燥息補氣則血易生凡胎病惡阻但以此方投之無不安者其功更勝於四物焉

妊娠口乾咽痛

妊娠三四月自覺口乾舌燥咽喉微痛無津以潤胎動不安甚則血流如經水人以爲火動之極也誰知是水虧之甚乎夫胎也者本精與血之相結而成逐月養胎古人雖分經絡

其實均不離腎水之養故腎水足而胎安腎水虧而胎動或
 者曰腎水何能動胎必腎經之火動而胎始不安耳不知火
 之有餘仍是水之不足所以火炎而胎動者必補水而胎安
 亦既濟之義也惟是水不遽生必先補肺金能生水而火不
 難制再少加以清熱之品則胎自無不安矣方用潤燥安胎
 湯

熟地 一兩 生地 三錢 山萸肉 五錢 麥冬 五錢 五味 二錢

阿膠 二錢 蛤粉炒 黃芩 一錢 益母 二錢

水煎服二劑而燥息再二劑而胎安連服十劑而胎如磐
 石之固矣此方專填腎中之精而兼補肺然補肺仍是補

腎之意故腎不乾燥則火不灼胎焉有不安者乎

妊娠吐瀉腹痛

妊娠上吐下瀉腹痛急而難忍胎動不安人猶以爲熱而不
知脾胃之虛極也夫脾胃氣虛則胞胎無力必有崩墜之虞
況又上吐下瀉則脾胃因此益虛欲胞胎之無恙得乎然而
尙不至於下墜者全賴腎氣之固也胞胎繫於腎而連於心
腎氣固則上交於心而下通於胞胎此胞胎之所以欲墜而
不得也且腎氣能固則少火必來生脾心氣能通則君火必
來援脾胃雖虛未絕則胞胎雖動不墮然則欲固胞胎者
可不急救其脾胃乎惟是脾胃當將絕未絕之時只救脾胃

而土難遽生更宜補其心腎之火使之生土則兩相接續胎始固耳方用援土固胎湯

人參 一兩 白朮 二兩 山藥 一兩 山萸肉 一兩 枸杞 三錢

兔絲子 三錢 杜仲 三錢 續斷 三錢 炙草 一錢 砂仁 三粒

製附子 五分 肉桂 二分 去粗研

水煎服一劑而瀉止二劑而諸病悉愈矣此方救脾胃之土者十之八救心腎之火者十之二助火輕於救土者土欲絕而火未甚衰也蓋土崩非重劑不能援火衰雖小劑亦可助妊娠忌桂附是恐傷胎未可多用故方中小熱之品計之以錢大熱之品計之以分不過用以引火而非用

以壯火也若以爲胎必有熱輒用黃芩則大誤矣

妊娠少腹痛

妊娠少腹作痛胎動不安如有下墮之狀人只知帶脈無力也誰知是脾腎之虧乎夫胞胎雖繫於帶脈而帶脈實關於脾腎脾腎虧損胞胎卽無以勝任矣而或者曰胞胎之系通於心腎而不通於脾補腎可也何故補脾不知腎爲先天之本脾卽爲後天之本脾非先天之氣不能化而腎非後天之氣亦不能生是補後天之脾正所以補先天之腎也補先後之二天乃所以固胞胎之氣血也審是而脾腎可不均補乎方用安奠二天湯

人參 一兩
 白朮 一兩土炒
 扁豆 五錢炒
 炙草 一錢
 熟地 一兩

山藥 五錢炒
 山萸肉 五錢蒸
 杜仲 三錢炒黑
 枸杞 二錢

水煎服一劑而疼止二劑而胎安矣夫胎動乃脾腎雙虧之證自非大用參朮熟地補陽補陰之品斷不能挽回於頃刻世人畏用參朮或少用以冀建功見證不的是以寡效此方正妙在多用也

妊娠浮腫

妊娠四五月肢體倦怠飲食無味先兩足腫漸至遍身頭面俱腫人以爲溼氣使然也誰知是脾肺氣虛乎夫妊娠雖有按月養胎之分其實不可拘於月數總以健脾補肺爲大綱

蓋脾統血肺主氣胎非氣不生非血不成脾健則血旺而蔭胎肺清則氣旺而益子苟肺衰則氣餒氣餒則不能運氣於皮膚矣脾虛則血少血少則不能運血於肢體矣氣血兩虛脾肺失職所以飲食難消精微不化勢必氣血下陷不能升舉而溼邪卽乘其所虛之處積而成浮腫之證非由氣血之虛而然耶治法補脾之血與肺之氣有不必祛溼而溼自無不去者方用加減補中益氣湯

人參 五錢 黃芪 三錢 生用 柴胡 一錢 甘草 一分 當歸 三錢 酒洗

白朮 五錢 土炒 茯苓 一兩 升麻 三分 陳皮 三分

水煎服四劑卽愈十劑不再犯夫補中益氣湯之立法也

原是升提脾肺之氣似乎專益氣而不補血然而血非氣不生是補氣卽所以生血觀當歸補血湯之用黃芪爲君其效彰彰矣況溼氣乘脾肺之虛而相犯未便大補其血恐陰太盛而反招陰也只補氣而助以利溼之品則氣升而水尤易散血亦隨之而生矣然則何以重用茯苓而至一兩不幾以利溼爲君乎嗟嗟溼證而不以此藥爲君將以何者爲君乎況重用茯苓於補氣之中雖曰滲溼仍是建脾清肺之品且凡利溼者多耗氣而惟茯苓與參朮合用實爲補多於利所由重用之以分溼邪而卽以補氣血

耳

妊娠腰腹疼渴汗躁狂

妊娠有口渴汗出大飲冷水而煩躁發狂腰腹疼痛胎若欲墮者人固知火盛之極也亦知何經之火盛乎此乃胃火炎熾熬煎胞胎之水以致胞中水涸胎失所養故動而不安耳夫胃爲水穀之海多氣多血之經所以養五臟六腑者以萬物皆生於土土氣厚而物始生土氣薄而物必死也然土之所以能厚全賴火氣以生之胃之能行水穀亦賴火氣以化之何反以火盛而致害乎不知無火難以生土而火多又能爍水雖土中有火土不死然亦必土中有水方不燥胃火太旺必致爍乾腎水土且自潤不足又何以分潤胞胎火勢炎

蒸兒胎受逼安得不下墜乎經所謂二陽之病發心脾者正如此義也治法必須滋水洩火使真水得旺則壯火自平火平而胎之狂躁自定矣方用息焚安胎湯

生地

一兩 酒炒

青蒿

五錢

白朮

五錢 土炒

茯苓

三錢

人參

三錢

知母

二錢

花粉

二錢

水煎服一劑而狂少平二劑而狂大定三劑而火盡解胎亦安矣此方藥料頗重人或慮其太峻而不敢全用不知懷胎而火勝若此非大劑何以救焚火不息則狂不止而胎能安耶況方中滋水之味全用甘寒勿過慮也

妊娠子懸脇痛

妊婦有懷抱憂鬱以致胎動不安兩脇悶而疼痛如弓上弦
 人祇知是子懸之病也誰知是肝氣不通乎夫養胎固係於
 腎水而非肝血相助則腎水實有獨力難支之勢故保胎必
 滋其腎水而肝血亦斷不能不顧使肝之氣不鬱則肝之氣
 不閉而肝之血必旺自然灌溉胞胎合腎水而並協養胎之
 力今肝氣因鬱而閉則胎無血蔭子必上升此乃鬱氣使然
 莫認爲子之自懸而妄用洩子之品也治法開肝氣之鬱結
 補肝血之燥乾則子懸自定矣方用解鬱湯

人參 一錢
 白朮 五錢
 白茯苓 三錢
 當歸 一兩
 白芍 一兩

枳殼 五分
 砂仁 三粒
 山梔 三錢
 薄荷 二錢

水煎服一劑而悶痛除二劑而子懸定三劑而全安矣去
梔子再多服數劑病不復發此乃平肝解鬱之聖藥鬱開
則木不剋土肝平則火不妄動方中又有健脾開胃之品
自然水精四布而肝腎並有潤澤之機則胞胎自無乾燥
之患又何慮子懸之不愈哉

妊娠子鳴腰痛

妊娠七八月忽然兒啼腹中腰間隱隱作痛人以爲胎熱之
故也誰知是氣虛之故乎夫兒之在胞胎也全憑母氣以化
成母呼兒亦呼母吸兒亦吸未嘗有一息之間斷至七八箇
月則母氣必虛兒不能隨母之氣以爲呼吸必有迫不及待

之勢子失母氣啼於腹中似可異而究無可異病名子鳴氣
虛甚也治宜大補其氣使母氣與子氣和協啼自息矣方用
扶氣止啼湯

人參

一兩

黃芪

一兩
生用

麥冬

一兩
去心

當歸

五錢
酒洗

橘紅

五分

甘草

一錢

花粉

一錢

水煎服一劑而啼即止二劑不再啼此方用參芪麥冬以
補肺氣肺氣旺則胞胎之氣亦旺而胞中之子氣有不隨
母氣以爲呼吸者未之有也

妊娠小便下血病名胎漏

妊婦有胎不動腹不疼而小便中時有流紅者人第知爲血

虛胎漏也誰知是陽不足而激經乎夫血能蔭胎而胎中之
 蔭血必賴氣以衛之氣虛下陷則蔭胎之血亦隨之而下矣
 蓋氣乃血之衛氣虛則血無憑依必燥急而生邪熱血寒則
 靜血熱則動動則外出而莫能退又安得不下流乎治法宜
 補其氣之不足而洩其火之有餘則血自無不止矣方用助
 氣補漏湯

人參 一兩

白芍

五錢 酒炒

黃芩

三錢 酒炒 黑

生地

三錢 酒炒

益母草

一錢

續斷

二錢

甘草

一錢

水煎服一劑而血止二劑而不復漏矣此方用人參以補
 陽氣用黃芩以洩陰火火洩則血不熱而無欲動之機氣

旺則血有依而無可漏之竅氣與血協則血自歸經而各安其所矣安有漏洩之患哉

胎血 妊娠跌損

妊婦有失足跌損致傷胎元腹中疼痛勢若將墮者人第知外傷之爲病也而孰知內傷之故乎凡人內無他證胎元堅固卽或偶爾顛蹶尙可無恙惟內之氣血素虧則略有閃挫胎便不安若止作閃挫外傷治斷難奏功且恐有因治而反墮者不可不慎也是必大補氣血而少佐以行瘀之品則瘀散胎安矣但大補氣血之中又宜補血之品多於補氣斯得之耳方用救損安胎湯

當歸一兩酒洗 白芍三錢酒炒 生地一兩酒炒 白朮五錢土炒 炙草一錢

人參一錢 蘇木三錢搗碎 乳香一錢去油 沒藥一錢去油

水煎服一劑而痛止二劑而勢不下墜矣不必三劑也此方之妙妙在既能去瘀而不傷胎又能補氣補血而不凝滯固無通利之害亦痊跌閃之傷卽無娠閃挫亦可用之

妊娠多怒墮胎

婦人有懷妊之後或未成形或已成形其胎屢墮者人皆曰氣血衰微不能固胎也誰知是性急多怒肝火大動乎肝本藏血怒則血不藏而難固蓋肝雖屬木而實相火所寄也相火宜靜不宜動又易動而難靜更加大怒則其勢飛揚不能

生氣化胎必轉傷精食氣精傷則胎無所養勢必下墜經所謂壯火食氣正此義也治法宜平肝中火利腰臍氣使氣生血而血清其火則庶幾矣方用利氣洩火湯

人參 三錢

白朮

一兩

甘草

一錢

熟地

五錢

當歸

三錢

白芍 五錢

芡實

三錢

黃芩

二錢

水煎服六七劑而胎不墜矣此方名雖利氣而實補氣也然補氣而不加洩火之品則氣旺而火不能平反害其氣矣故加黃芩於補氣之中以洩火又有熟地歸芍滋肝而壯水之主則血不燥而氣得和怒氣息而火自平不必利

氣氣自無不利矣

於妊娠中惡

婦人懷子在身痰多吐涎偶遇鬼神崇惡忽然腹中疼痛胎
向上頂人疑爲子懸之病也誰知是中惡而胎不安乎大凡
不正之氣最易傷胎故有孕之婦斷不宜入廟燒香及到僻
靜陰密之地幽岩古洞邪祟潛蹤易於觸犯况孕婦每多痰
涎眼目易眩甚至妄見妄言語云怪病多生於痰其信然與
治法自宜以治痰爲主然治痰必至耗氣氣虛則痰益難化
胎必動搖必須補氣以生血補血以活痰而少加以清痰之
品則氣血不虧痰亦易化矣方用消惡安胎湯

當歸

酒洗

白芍

酒炒

白朮

土炒

茯苓

五錢

人參

三錢

甘草 一錢
陳皮 五分
花粉 三錢
蘇葉 一錢
沈香 一錢
研末

此方大補氣血輔正邪自除之義也彼用金石以化痰者皆立異矜奇欲取速效而不知暗耗人之真氣戒之戒之

治宜與條奇精如燕效而不取部謀入
此六六蘇康血誦五限自劍之孫三
臣金

甘草

一錢 刺衣

正合

蘇健

三錢

蘇葉

一錢

蘇香

一錢

女科卷之六

陽曲傅山青主原本

元和陸懋修九芝校訂

小產

畏寒腹疼小產

妊婦有畏寒腹疼因而墮胎者人祇知下部太寒也誰知是氣虛不能攝胎乎夫胞胎之結先天之眞火也先天之眞火卽先天之眞氣故胎成於氣亦攝於氣氣旺則胎牢氣衰則胎墮胎日加長而氣日以衰又遇寒氣外侵則內之火氣更微火氣微則長養無資此胎之所以多墮也使當其腹疼之

時卽用人參乾薑之類則祛寒補氣疼止而胎自安無如人拘於妊娠之藥禁不敢用因致墮胎而僅存幾微之氣勢成不救豈不冤哉方用黃芪補氣湯

生黃芪

二兩

當歸

一兩

肉桂

五分去粗皮研

水煎服五劑愈矣倘認定是寒大用辛熱燥烈之品全不補氣與血恐反致亡陽而變危矣

大便乾結小產

妊婦有口渴煩躁舌上生瘡兩唇腫裂大便乾結數日不得通以致腹痛小產者人皆曰大腸之實火也誰知是血熱燔胎乎夫胎以血養溫和則胎受其益太熱則胎受其損蓋以

血蔭乎胎則血本虛耗陰之虛者陽必亢血中亦無非火氣
矣兩火交焚兒胎受逼欲其不墮也得乎治法宜清胞中之
火補腎中之精方用加減四物湯

熟地

五錢

白芍

三錢

當歸

一兩

川芎

一錢

山梔

一錢

山萸肉

二錢

山藥

三錢

丹皮

三錢

水煎服四五劑而全愈矣蓋此火乃是虛火必當於補中
清之而非如實火之可瀉倘一味清涼降火全不顧胞胎
虛實勢必至愈寒愈熱胃中生氣索然矣胃乃二陽資養
五臟者也胃陽不生不能化精微以生陰水有不寢成勞

瘵者幾希

大怒小產

妊婦有大怒之後忽然腹痛吐血因而墮胎墮胎之後痛仍未止者人以爲肝之怒火未退也誰知是血不歸經而然乎夫肝藏血其性最急怒則血不能藏胞胎之系通於心腎肝血來沖必斷絕心腎之路胞胎失水火之養所以墮也既墮而腹痛如故者蓋因心腎失援肝氣欲歸心而心不受欲歸腎而腎不納故血猶難靜而疼無已也治法宜引肝之血仍入於肝然徒引肝之血而不平肝之氣則氣逆而不易轉卽血逆而不易歸也方用引氣歸血湯

白芍

五錢
酒炒

當歸

五錢
酒洗

白朮

三錢
土炒

甘草

一錢

黑芥穗

三錢

丹皮 三錢

薑炭 五分

香附 五分

麥冬 三錢

鬱金 一錢

水煎服此方名爲引氣實仍是引血也引血亦所以引氣氣歸於肝之中血亦歸於肝之內氣血兩歸腹疼止矣

跌閃小產

妊婦有跌扑閃挫遂致小產血流紫塊昏暈欲絕者人皆曰瘀血爲患也誰知是血室損傷乎夫血室與胞胎相連傷及胞胎則血室亦損然胞胎傷而流血者其傷淺血室傷而流血者其傷深傷之淺者疼在腹傷之深者暈在心同一損傷而未小產與已小產治各不同未小產而胎不安者宜顧其胎而不可輕去其血已小產而血大崩者宜散其瘀而不可

重傷其氣蓋胎已墮血既脫血室空虛惟氣存耳於此再傷其氣安保無氣脫之憂乎故必補氣以生血新血生而瘀血自散也方用理氣散瘀湯

人參 一兩 生黃芪 一兩 當歸 五錢 茯苓 二錢 紅花 一錢

丹皮 三錢 薑炭 五分

水煎服一劑而血止二劑而暈除三劑而全安矣此方用人參黃芪以補氣氣旺則血可攝也當歸丹皮以生血血生則瘀難留也紅花黑薑以活血血活則暈可除也加茯苓以利水水利則血自歸經也

行房小產

妊婦有行房顛狂遂致小產血崩不止人以爲火動之極也
誰知是氣脫之故乎大凡婦人之懷妊也全賴腎水以蔭胎
水源不足火易沸騰加以房事則火動精洩腎水涸而相火
益熾水火交病胎不能固而墮矣胎墮而火猶未息故血隨
火而崩有不可止遏之勢人謂火動之極原未爲大誤也但
血崩本於氣虛火盛本於水虧腎水旣虧則氣之生源涸矣
氣源旣涸而氣焉有不脫者乎此火動是標而氣脫是本也
若但以止血爲事而不急固其氣則氣散不能速回而血何
由生不大補其精則水涸不能遽長而火且益熾不揣其本
而齊其末終未見有能濟者也方用固氣填精湯

人參 一兩

黃芪 一兩

白朮 五錢
土炒熟地 一兩

當歸 五錢
酒洗

三七 三錢

研沖 黑芥穗 二錢

水煎服一劑血止二劑身安四劑而全愈矣此方妙在不
去清火而惟補氣補精故其奏功有獨神者以諸藥溫潤
能除大熱也蓋熱由虛致故補虛卽以瀉火意在本耳

女科卷之七

陽曲傅 山青主原本

元和陸懋修九芝校訂

臨產

血虛難產

妊娠有腹痛數日而不即產者人皆曰氣虛力弱不能推送誰知是血虛膠滯胞中無血兒難轉身乎夫胎之成成於腎臟之精而胎之養養於五臟六腑之血血旺則易生衰則難產故產前宜用補血藥補血而血不遽生必更用補氣藥惟是純補其氣則恐陽過於旺血仍不足偏勝亦足為害其惟

氣血兼補則氣能推送血亦濟之兒在混混之中自不難以
轉身又何有膠滯之患乎方用送子丹

生黃芪 一兩 當歸 一兩 麥冬 一兩 熟地 五錢 川芎 三錢

水煎服三劑而生且必無橫生倒產之患也此方補氣祇

黃芪一味餘藥無非補血血旺氣得所養氣生血得所依

胞胎潤澤自然易產譬如舟遇淺水雖大用人力終難推

動忽逢潮水泛溢舟自活潑潑地再得順風送之有不迅

行而無滯者乎

氣逆難產

有臨蓐數日而胎不下者服催生藥不效人以爲交骨之難

開誰知是氣逆而不行乎夫交骨不開兒固難產然必頭到產門而不能出者方是交骨不開之故若兒頭未到產門乃是氣逆不行兒身難轉而非交骨之故也若開其交骨則兒頭未轉而血先下必致變出非常是兒門萬不可輕開也凡生產之時切忌坐草太早其時兒未轉頭原難驟生而產婦見許久不下未免心懷恐懼恐則神怯怯則氣下而不能升氣不升則反逆上焦必脹滿而氣益難行氣逆於上下之間不舒其氣則愈逆而愈閉矣方用舒氣散

人參 一兩
當歸 一兩
川芎 五錢
白芍 五錢
紫蘇梗 三錢

牛膝 二錢
陳皮 一錢
柴胡 八分
葱白 七寸

水煎服一劑而逆氣轉兒卽下矣此方利氣而實補氣蓋氣逆由於氣虛氣虛由於恐懼補其氣而恐懼自定恐懼定而氣逆自轉氣得轉而兒自順下何必狠催生猛開骨之多事乎哉

交骨不開

妊婦有兒到產門竟不能下者此危急存亡之時也人以為胞胎先破水乾不能滑利而然誰知是交骨不開之故乎產門之上有骨二塊兩相關合名曰交骨未產之前其骨自合至臨產而其骨自開蓋婦人兒門之肉原自斜生皮亦橫長實可寬可窄可大可小者也是以兒身雖大得出兒初出門

且可以手入探取胞衣甚至此骨不閉則腸可直下益見此骨不開則兒難降生然其所以能開能合者氣血主之也血旺而氣衰則兒雖向下而兒門不開氣旺而血衰則兒門可開而兒難向下是氣所以開交骨血所以轉兒身也是故欲產之順非大補氣血不可欲交骨之開非於補氣補血中加以開骨之藥不可兩相合治不必催生兒自迅下母子俱無恙矣方用降子湯

當歸 一兩 人參 五錢 川芎 五錢 紅花 一錢 川牛膝 三錢

柞木枝 一兩

水煎服一劑必交骨開解而兒生矣此方人參補氣芎歸

補血紅花活血牛膝降下柞木枝開關解骨所以取效如神者惟在用開於補之中若單用柞木必須候見到產門而後可切不可早用也

腳手先下

生產之際有兒不得下而腳先下或手先下者人以為橫生倒產至危至逆之候也而亦知有轉逆為順反危為安之術乎夫胞胎之中兒身正坐男面向後女面向前及至生時頭必旋轉向下此天地造化之奇非人力所能勉強者而亦必得人力以濟之所謂人力非產母用力之謂也謂產母之氣與血耳氣血虧則胎必逆母身既弱胎亦無力欲轉頭向下

而不能此所以有腳手先下者而實無足異也當是之時務須安靜勿驚產母宜先用鍼刺兒手足兒必痛而縮入乃急用轉天湯以生其氣血卽以助其推送則逆者自順危者自安又何橫生倒產之足慮哉

人參

二兩

當歸

二兩

川芎

一兩

川牛膝

三錢

升麻

四分

附子

一分

製

水煎服一劑而兒轉身矣再二劑自然順生此方之妙用人參補氣芎歸補血人人皆知而升麻牛膝則恐未識其妙也蓋兒已身斜非用提挈則頭不易轉轉矣而不助其下行則身不易降故用升麻以提之卽用牛膝以降之又

加附子者欲其無經不達使氣血迅速以催生也

子死產門

婦人有坐蓐三四日兒已到門交骨不開兒不得下子死而母未亡者服開骨之藥不驗當有非常之危今幸而不死者正因其子死而胞胎下墜子母離開母氣已收未至同子氣俱絕也治但救其母而不必顧其子矣然死子在產門塞其下口亦有致母死亡之道此時間不容髮宜急用推送之法補血以生水補氣以生血使氣血兩旺則死子可出而母命可存也倘徒用降子之劑以墜之死子未必下而母氣先脫矣是豈策之善者乎山親見此等證常用救母丹活人甚多

故誌之

人參 一兩
當歸 二兩
酒洗
川芎 一兩
益母草 一兩

赤石脂 一錢
芥穗 三錢
炒黑

水煎服一劑而死子下矣此方芎歸補血人參補氣氣血
旺則上能升而下能降氣能推而血能送况益母又善下
死胎石脂又善祛瘀血自然一湧而出無少阻滯矣

子死腹中

有臨盆六七日胞衣已破而子不見下人以為難產之故也
誰知子已死於腹中乎夫兒死於兒門易辨而死於腹中難
識蓋兒頭若抵產門已死者必然不動即以手推之亦必不

動如故若猶未死用手少拔其兒之髮兒必退入故曰易辨若兒死在腹中何從知之然亦實有可辨而知者凡子死腹中而母尚可救其面必無煤黑之氣是子死而母無死氣也子死腹中而母已難救其面必有烟燻之色是子死而母亦無生機也以此辨死生實有斷斷不爽者然既知兒死腹中而不亟用藥以降之危道也用藥而用霸道以洩之亦危道也生產至六七日母氣必甚困乏若再用霸道以強逐其死子恐子下而母亦立亡矣必須仍補其母使母之氣血旺而子自下也方用療兒散

人參

一兩

當歸

二兩
酒洗

川牛膝

五錢

鬼臼

三錢
研
水飛

乳香

二錢
去油

水煎服一劑死子下而母生矣凡兒之生必先轉其頭原
因母氣之虛致兒不能轉頭向下又用催生藥以耗兒之
氣血則兒氣不能通達反致悶死腹中此實庸手殺之也
所以難產之證斷不可用催生之藥只宜補氣補血以壯
之增而全其子其功效正無窮也誰謂救本非即所以催
生哉

胞衣不下

有兒已下地而胞衣留滯腹中二三日不下者心煩意躁時
欲昏暈人以爲胞衣之蒂未斷也誰知是血少乾枯黏連於

腹中乎人見胞衣不下恐其上沖於心其實不能上沖也但
 不下則瘀血難行恐有血暈之虞耳治法仍宜大補氣血使
 氣能生血以送胞衣自然潤滑易下瘀血亦隨之而行也方
 用送胞湯

當歸

二兩 酒洗

川芎

五錢

益母草

一兩

乳香

一兩 不去油

沒藥

一兩 不去油

黑芥穗

三錢

麝香

五釐 研 月沖

水煎服立下此方芎歸補其氣血荆芥引血歸經益母乳
 香等藥逐瘀而下胞衣新血生而舊血難停氣上升而瘀
 濁自降尙何留滯之慮哉總之胞之爲物非依於子卽依
 於母兒雖已下而其蒂閒之氣原未遽絕往往有存留之

久而竟不腐爛者正以其尙有生氣也可見胞衣留腹不能殺人補之而自降耳或謂胞衣既有生氣補氣補血則胞衣不更堅牢乎不知子未下補則益其子子已下補則益其母益子而胞衣之氣連益母而胞衣之氣脫矣所以補之而反降也

又有子下五六日胞衣留於腹中百計治之不下又絕無昏暈煩躁之狀者人以爲瘀血之黏連也誰知是氣虛不能推送乎夫瘀血在腹斷無不作祟之理有則必然發暈今安然無恙是無瘀矣無瘀宜清升而濁降今胞衣不下明是清氣下陷而難升遂至濁氣上浮而難降然濁既上升又必有躁

煩之病而今亦安然是清濁之氣兩不能升也然則補其
氣不無濁氣之上升乎不知清升而濁降者一定之理未有
清升而濁亦升者苟能於補氣之中仍分其清濁之氣則升
清正所以降濁也方用加味補中益氣湯

人參 三錢 生黃芪 二兩 柴胡 三分 炙草 二分 當歸 五錢

白朮 五分 升麻 三分 陳皮 二分 萊菔子 五分
土炒 炒研

水煎服一劑而胞衣下矣夫補中益氣湯乃提氣之藥並
非推送之劑何以能降胞衣不知濁之不降即由於清之
不升提其氣則清升而濁自降正不必再行推送之法况
又加萊菔子數分能理濁氣不至兩相扞格所以奏功獨

奇也

氣虛血暈

婦人甫產兒後忽然眼目昏花嘔惡欲吐中心無主神魂外越人以爲惡血奔心之患也誰知是氣虛欲脫而然乎蓋新產之婦血必盡傾血室空虛心中之血前已蔭胎胎下而心血亦隨之俱下心無血養所賴者幾微之氣耳今氣又虛而欲脫天君無護所剩殘血欲奔回救之而血非正血不能歸經遂成血暈之證矣治法必須大補氣血斷不可單以暈治或疑血暈是熱血上沖更補其血不愈助其上沖之勢乎不知新血不生舊血不散補血以生新血正活血以逐舊血也

血有形而難以速生氣無形而易於迅發補氣生血尤易於補血以生血耳方用補氣解暈湯

人參

一兩

生黃芪

一兩

當歸

一兩不

酒洗

黑芥穗

三錢

薑炭

一錢

水煎服一劑而暈止二劑而心定三劑而血生四劑而血旺再不暈矣此乃解暈之聖藥用參芪以補氣使氣旺而生血也用當歸以補血使血旺而養氣也氣血兩旺而心自定更用黑芥穗引血歸經薑炭引陽行瘀則瘀血去而正血歸不必解暈而暈自無不解矣

血暈不語

又有子方下地卽昏暈不語是爲氣血兩脫本在不救然救之得法亦閒有能生者山得岐天師秘訣何敢隱而不宣乎當斯之時急用銀鍼刺其眉心得血出卽語矣然後以人參一兩重劑補之無不生者卽以當歸補血湯遵用原方黃芪五倍亦無不生萬不可於二方中輕加附子附子無經不達反引氣血之藥走而不守不能專注胞胎不若人參歸芪直救其氣血之絕聚而不散也蓋產婦昏暈全是血室空虛無以養心之故舌爲心苗心旣無主舌又安能出聲邪眉心之穴上通腦下通舌其系連於心刺之則腦與舌俱通心之清氣上升瘀血自然下降矣然後用參芪當歸補氣以生血氣

血兩續又何至昏暈乎雖單用參芪歸亦有能生者然終不若先刺眉心之妙人但知灸眉心之法不知刺之更勝於灸灸法緩而刺法急急則易於回生也

懋修案此方中或加白芷末三分亦可

腸下

產而腸下亦危證也人以爲兒門不關之故誰知是氣虛下陷而不能收乎夫氣虛下陷自宜用升提藥以提其氣然新產之婦恐有瘀血在腹使提氣而血亦升騰又恐有沖心之患是氣不可竟提也氣不可竟提而氣又明明下陷將用何法以治之哉思夫氣之下陷氣之虛也但補其氣則氣旺力強其宜升者自升其宜降者自降血固不至上逆而不降腸

亦斷不至下墜而不升矣方用補氣升腸飲

人參 一兩

生黃芪 一兩

當歸 一兩

白朮 五錢

川芎 三錢

升麻 一分

水煎服一劑而腸升矣此方純於補氣全不去升腸卽用升麻一分亦不過引氣使升耳蓋升麻之爲用少則升氣多則血升不可不知又方用葶麻仁四十九粒搗塗頂心以提之腸升卽刻洗去時久則恐吐血此亦升腸之一法也

以... 喘咳... 走... 入... 限... 氣... 血... 提... 本... 氣... 之... 一...
 突... 四... 血... 共... 不... 可... 不... 映... 笑... 衣... 取... 兼... 和... 口... 四... 十... 六... 遠... 離... 氣... 血...
 根... 根... 一... 食... 亦... 不... 盛... 得... 稟... 動... 其... 且... 盛... 其... 和... 之... 微... 事... 法... 兩... 其...
 本... 煎... 烟... 一... 噴... 而... 翹... 其... 矣... 製... 法... 蘇... 蘇... 煉... 全... 不... 生... 其... 難... 用...
 其... 根... 一... 氣... 不... 可... 竟... 提... 而... 氣... 又... 於... 於... 於... 於...
 人... 參... 一... 兩... 半... 黃... 苳... 一... 兩... 當... 歸... 一... 兩... 白... 朮... 五... 錢... 川... 芎... 三... 錢...
 不... 潤... 不... 至... 不... 潤... 而... 不... 其... 矣... 氏... 用... 蘇... 煉... 其... 難... 用...

女科卷之八

陽曲傅山青主原本

元和陸懋修九芝校訂

產後

敗血攻心暈狂

婦人有產後二三日發熱惡露不行敗血攻心狂言呼叫甚至強立奔走者人以爲邪熱在胃之過誰知是血虛而心不得養乎夫產後之血盡隨胞胎外越則八脈空虛臟腑皆匱祇有心包之血尙存幾微以護心君臟腑既各失所養皆欲取給於心而護心者惟賴心包之力使心包亦虛不能內顧

其君又不能分給其眾於是有躁煩無奈之狀形似大熱而實則虛熱也治法須大補心中之血使各臟腑分取以自養不得再擾乎心君則心君泰然矣方用安心湯

當歸二兩 川芎一兩 生地五錢 丹皮五錢 生蒲黃二錢

水煎服一劑而狂定惡露亦下矣此方用芎歸以養血而

又用生地丹皮之涼血似非產後所宜不知此證原因虛

熱相犯故於補中涼之而涼不為害況益之以荷葉七竅

相通引邪外出不惟內不害心而且佐蒲黃以分解乎惡

露也然是方也只可暫用以定狂不可多用以取咎慎之

哉

少腹疼

產後少腹疼痛甚則結成一塊按之愈痛人以爲兒枕之疼也誰知是瘀血作祟乎夫兒枕者前人謂兒枕頭之物也兒枕之不疼豈兒生不枕而反疼是非兒枕可知矣旣非兒枕何故作疼則以瘀血不散結而成團之故耳如壯健之婦血有餘而非血不足者似不妨用破血之藥然血活則瘀自除血結則瘀作祟不補血而反敗血雖瘀濁可消畢竟耗損難免不若於補血中行逐瘀法氣血不耗而瘀亦盡消也方用散結定疼湯

當歸

酒洗

川芎

五錢酒洗

丹皮

二錢

益母草

三錢

乳香

去油

黑芥穗

二錢

山楂

十粒炒炭

桃仁

七粒泡去皮尖炒研

水煎服一劑而疼止即愈不必再劑也此方逐瘀於補血

之中消塊於生血之內妙在不攻疼病而疼病自止彼一

見兒枕之疼動用延胡蘇木蒲黃靈脂之類以化塊者烏

足與語此哉

又有少腹疼痛而按之即止者人亦以為兒枕之疼也誰知

其為血虛而然乎夫產後亡血過多血室空虛而腹痛者十

婦九然是虛痛而非實痛也大凡虛痛宜補產後之虛痛尤

宜補而或者曰血虛之痛必須用補血之藥而補血之味又

多是潤滑之品恐與大腸不無相礙則亦安知產後血虛腸多乾燥潤滑正相宜也而何礙之有哉方用腸甯湯

當歸一兩酒洗熟地一兩人參三錢麥冬三錢阿膠三錢蛤粉炒

山藥三錢續斷二錢甘草一錢肉桂二分去粗皮研

水煎服一劑而疼輕二劑而痛止多服更宜此方補氣而無過塞之憂補血而無太滯之患氣血既生不必止痛而痛自止矣

氣喘

產後而至氣喘大危之證也苟不急治立瀕於危人祇知是氣血之虛而亦知氣血之將脫乎夫既氣血將脫又何能喘

則尚幸其血之脫而氣未盡脫耳凡病之脫氣先脫也氣之將脫血本無關產後之脫血先脫也血之將脫氣猶可恃故其證雖危而可救處正在其尚能作喘也惟是肺主氣喘似盛實衰當此危殆血將脫而萬難驟生肺因血失亦祇存幾微之氣而氣不與血俱脫者幾希是故救血猶後而補氣尤急也方用救脫活母湯

人參 二兩 當歸 一兩 熟地 一兩 枸杞子 五錢 麥冬 一兩
去心

阿膠 二錢 蛤粉炒 肉桂 一錢 黑芥穗 二錢 山萸肉 五錢
蒸

水煎服一劑而喘輕二劑而喘減三劑而喘定四劑而全愈矣此方之用重在人參之接續元陽而必以熟地萸杞

之類大補其肝腎之精者正恐過於助陽萬一血隨陽動亦非善全之策故必先補其肝腎而後徐益其肺氣則陰得其主陽有所歸陰平陽秘喘自定矣然又慮新產之後補陰之藥膩滯不行故加肉桂以補命門之火使火氣有根助人參以生氣且能運地黃以化精生血而更加荊芥以引血歸經陰陽和而氣血調治幾其神乎

血崩

少婦產後半月血崩昏暈目見鬼神人皆曰惡血沖心也誰知是房幃不謹之過乎夫產後僅踰半月氣血初調尙未全復卽血路已淨而胞胎之損傷未痊斷不可不加慎養若氣

血初復慾動圖歡以致神昏妄見血崩不止是心腎兩傷不特胞胎門戶之為所動矣如是等證為產後之至危止澀升提皆非所能救舍大補其氣與血尙有何法耶方用救敗求生湯

人參 二兩 當歸 二兩 酒洗 白朮 二兩 土炒 熟地 一兩 山萸肉 五錢 蒸

山藥 五錢 炒 棗仁 五錢 生用 附子 一分或一錢 自製

水煎服一劑而神定二劑而暈止三劑而血亦止矣倘一服見效連服三四劑減去一半再服十劑可慶更生此方補氣以回元陽於無何有之鄉陽回而氣回自可攝血以歸神生精而續命矣

惡心嘔吐

婦人產後惡心欲嘔時而作吐人第知胃之寒也誰知腎氣亦寒乎夫腎為胃關胃之氣寒則胃氣不能行於腎之中腎之氣寒則腎氣亦不能行於胃之內是腎與胃原交相為病也產後失血過多腎水遽然涸去即虛火亦不能驟生火既不生寒象自現治法固宜補其腎中之火惟火無水養則火在水上亦屬未濟故必於水中補火腎中溫胃而後腎無太熱之患胃有既濟之歡也方用溫腎止嘔湯

熟地 五錢

巴戟

一兩 鹽水浸

人參

三錢

白朮

一兩 土炒

炮薑

一錢

山萸肉

五錢 蒸

茯苓

二錢

白蔻

一粒 研

橘紅

五分 薑汁洗

水煎服一劑而嘔吐止二劑而不再發四劑而全愈矣此方補腎之藥多於治胃之藥然而治腎仍是治胃也腎氣升騰胃寒自解不必用大熱之劑溫胃而祛寒矣

惡寒身顫

產後發熱惡寒乾嘔身顫作渴人以爲產後傷寒也誰知是氣血兩虛正不敵邪而然乎大凡人之氣不虛則邪斷難入產婦失血既多虛及八脈皮毛無衛邪尤易侵正不必戶外之風來襲體也卽一舉動間風卽乘虛而入矣然產後之婦風易入而亦易出凡有外邪亦當治內決不可妄投發散之劑其惡寒者寒由內生也發熱者熱由內弱也身顫者顫由

氣虛也治其內寒而外寒自散治其內弱而外熱自解壯其元陽而身顫自除方用十全大補湯

人參 三錢 白朮 三錢 茯苓 三錢 炙草 一錢 川芎 一錢

當歸 三錢 酒洗熟地 五錢 白芍 二錢 黃芪 一兩 肉桂 一錢 去

水煎服一劑而諸病悉愈此方但補氣與血之虛而不去散風與邪之實正足而邪自除也況原無邪氣乎世人一見身熱便投發汗之劑速亡甚矣

喘嗽四肢浮腫

產後四肢浮腫寒熱往來氣喘咳嗽胸膈不利口吐酸水兩脇疼痛人謂敗血流於經絡滲於四肢以致氣逆也誰知為

肝腎兩虛陰不得出之陽乎夫產後氣血大虧自然腎水不足水不足則不能養肝而厥陰津涸肝火益熾因而上剋肺金則金受火刑力難制木而咳嗽喘滿之病生矣下剋脾土則土受木侮力難制水而四肢浮腫之病出矣然而肝火之旺乃假象而非真象也假旺之氣若盛而實不足也故時而熱時而寒往來無定乃隨氣之盛衰以爲寒熱而寒非真寒熱非真熱是以氣逆於胸膈之間而不利也兩脇者肝之部位也酸者肝之氣味也吐酸脇疼皆肝虛而腎不能養之之象也治宜補血以養肝補精以生血精血足而氣自順寒熱喘嗽浮腫諸恙一平而無不平矣方用轉氣湯

人參 三錢 茯苓 三錢 白朮 三錢 當歸 五錢 白芍 五錢

熟地 一兩 山藥 五錢 柴胡 五分 芡實 三錢 故紙 一錢 鹽

山萸肉 三錢 蒸

水煎服三劑效十劑痊此方皆是補血補精之品何以名
轉氣耶不知氣逆由於氣虛乃肝腎之氣虛也補肝腎之
精血正所以補肝腎之氣虛則逆旺則順是補即轉也氣
轉而各證盡愈陰出之陽陰陽自無扞格之患矣

氣血兩虛乳汁不下

婦人產後絕無點滴之乳人以爲乳管之閉也誰知是氣血
兩涸乎夫乳乃氣血之所化而成也無血固不能生乳汁無

世補齋醫書 產後 三

氣亦不能生乳汁然二者之中血之化乳又不若氣之化乳
 為尤速新產之婦血已大虧血且自顧不暇又何能以化乳
 全賴氣足而後血乃行耳今產後數日而乳不下點滴之汁
 其血少氣衰可知氣旺則乳汁旺氣衰則乳汁衰氣涸則乳
 汁亦涸必然之勢也人不知大補氣血之妙而一味通乳豈
 知無氣則乳無以化無血則乳無以生不幾向飢人而乞食
 就窶子而索金乎治法宜補氣以生血不必利竅以通乳也

方名生乳丹

人參 一兩 生黃芪 一兩 當歸 二兩 麥冬 五錢 木通 三分

桔梗 三分 七孔猪蹄 二箇 去爪壳

酒洗

水煎服二劑而乳如泉湧矣此方專補氣血以生乳汁正以乳生於氣血也產後氣血涸而無乳非乳管之閉而無乳者可比丹名生乳正因乳有由生不必通之而自下耳

鬱結乳汁不通

婦人於生產後遇有不稱意之事遂致兩乳脹滿疼痛乳汁不通人以爲陽明之火熱也誰知是肝氣之鬱結乎夫陽明屬胃乃多氣多血之府也乳汁之化原屬陽明然產後雖云亡血而陽明之氣實未盡衰何致全無血養是乳汁之不通未可盡責之陽明也蓋陽明之血全賴肝木之氣以相通始能化成乳汁今產後兩乳作痛是非無乳明係土與木相結

欲化乳而不得此非氣鬱而何治法宜大舒其肝木之氣使陽明之血活而乳自通亦不必專去通乳也方名通肝生乳

湯

白芍

五錢 醋炒

當歸

五錢 酒洗

白朮

五錢 土炒

熟地

三錢

甘草

三分

麥冬

五錢 去心

通草

一錢

柴胡

一錢

遠志

一錢

水煎服一劑即通不必再服也神哉

手傷胞胎淋漓不止

婦人有生產之時被穩婆手入產門損傷胞胎因而淋漓不止有欲忍須臾而不能者人謂胞破不能再補也而孰知不然夫破傷皮膚既可完補豈破在腹內者獨不可治療乎或

謂破在外可外治以生皮膚破在內雖有靈丹無可補救然
破之在內者外治固難施力安必內治不可奏功試思瘡瘍
之毒腸胃之癰尙可服藥以生肌肉此不過收生不謹小有
所損並無惡毒何難補其缺陷也方用完胞飲

人參 一兩

白朮

十兩
土炒

茯苓

三錢

生黃芪

五錢

當歸

一兩
酒炒

川芎

五錢

桃仁

十粒
泡炒

紅花

一錢

益母草

三錢

白芨末

一錢

用猪羊胞各一箇先煎湯後煎藥飢服十劑全愈夫胞損
宜用補胞之藥何以反用補氣血之藥乎蓋生產而至於
以手探試傷損胞胎則其爲難產必矣難產本由於氣血

之虛既產之後是虛而又虛矣因虛而損復因損而益虛若不補其氣與血而胞胎之破何以復完乎今之大補其氣血者正不啻饑而與之食渴而與之飲也精神大長氣血再造而胞胎之破者自完所以旬日之內有成功也

產後肝痿

婦人產後陰中垂下一物其形如帕或有角或二歧人以爲產類也誰知是肝痿之故乎夫產後何以成肝痿蓋因產前勞役過傷又觸動怪怒以致肝不藏血血亡過多故肝之脂膜隨血崩墮形似子宮而實非也子宮下墜狀如茄子祇到產門而不能越出產門之外惟肝之脂膜往往出產門至六

七寸許且有粘席乾落一片如手掌大者若是子宮墜落人立死矣又安得而復生乎治法宜大補氣血而少加升提之品則肝氣旺而易生肝血旺而易養肝得生養之力而脂膜自收矣方用收膜湯

生黃芪

一兩

人參

五錢

白朮

五錢
土炒

白芍

五錢
酒炒焦

當歸

三錢
酒洗

升麻

一錢

水煎服一劑卽收矣或疑產後禁用白芍恐伐生氣之原何以頻用之而奏功嗟乎是未讀仲景之書者也白芍之在產後所以不可用者恐其酸寒而礙瘀也而謂其伐生氣之原則誤矣況病之在肝者尤不可以不用且用之於

大補之劑在芍藥亦忘其爲酸收矣又何有不可用者乎
矧脂膜下墜正藉酸收之力助升麻以升提氣血欲其奏
功之捷不此之用而誰用哉

產後肉線出

婦人有產後水道中出肉線一條長二三尺動之則疼痛欲
絕者人以爲胞胎之下墜也誰知是帶脈之虛脫乎夫帶脈
束於任督之間任脈前而督脈後二脈有力則帶脈堅牢無
力則帶脈崩墜產後亡血過多無血以養任督而帶脈弛縱
力難升舉故隨溺而下也帶脈下垂每作痛於腰臍之間況
下墜者而出於產門之外其失於關鍵也何如安得不疼痛

欲絕乎方用兩收湯

人參 一兩

白朮 二兩 土炒

川芎

三錢 酒洗

熟地

二兩

山藥

一兩 炒

山萸肉

四錢 蒸

芡實

五錢 炒

扁豆

五錢 炒

巴戟

三錢 鹽水浸

杜仲

五錢 炒黑

白果

十枚 搗碎

水煎服一劑而收其半二劑而全收矣此方補任督仍補腰臍者以任督連於腰臍也補任督而不補腰臍則任督無助帶脈何以升舉惟兩補之則任督得腰臍之助帶脈亦得任督之力而收矣

本卦卦濟之氏而郊矣

然則帶淵而以其舉節兩縣之限卦皆保類類之與帶淵

然則首以卦皆數為類類出辭卦首而不辭類類限卦皆

水則類一極而郊其半三障而全郊矣此以辭卦皆公類

林林以類白狼註

山從肉註艾實註豆註

人參註白朮註川芎註

心餘平氏川兩郊矣

門下晚學生馮汝玖校字

生化編

目錄

新產治法

生化總論

血暈

厥證

血崩

氣短似喘

寒熱

中風

傷寒疫瘧

類傷寒證

類中風

附瘧

類瘧

汗

盜汗

口渴兼小便不利

妄言妄見

傷食

傷氣

咳嗽

嘔吐

霍亂

水腫

流注

中滿

怔忡驚悸

心痛

腹痛

腰痛

脇痛

徧身痛

小腹痛

瀉

完穀不化

痢

生化編

陽曲傅山青主原本

元和陸懋修九芝校訂

新產治法

凡病起於血氣之衰脾胃之虛而產後尤甚是以丹溪論產後必大補氣血爲先雖有他證以末治之斯言盡治產之大旨非眞置他證於不問只是調和氣血爲本而他證第從其末耳夫產後憂驚勞倦氣血暴虛諸證乘虛易入如有氣母專耗散有食母專消導熱不可用芩連寒不可用桂附寒則敗血停滯熱則新血崩流至若中虛外感見太陽表證之多

似可汗也在產後而用麻黃則重竭其陽見陽明府證之多
似可下也在產後而用承氣則重亡陰血耳聾脇痛乃腎虛
惡露之停休用柴胡譫語出汗乃元弱似邪之證非同胃實
厥由陽氣之衰無分寒熱非大補不能救逆而回陽瘧因陰
血之虧不論剛柔非滋榮不能舒筋而活絡乍寒乍熱發作
無期證似瘧也若以瘧治遷延難愈言語無倫神不守舍病
似邪也若以邪治危亡可待去血過多而大便燥結肉菴蓉
加於生化非潤腸承氣能通去汗過多而小便短澀生化湯
佐用參芪必助液生津是賴加參生化湯頻服救欲絕之陽
長生活命丹屢用進垂危之穀癩疝脫肛多是氣虛下陷補

中益氣之方口噤拳攣乃因血燥類風加參生化之劑怔忡
驚悸生化湯加以定志似邪恍惚安神丸助以歸脾因氣而
悶滿虛煩生化湯加木香爲佐因食而噯酸惡食六君子加
麥麩爲良至若蘇木蓬莪青皮枳殼一應耗氣破血之劑汗
吐宣下之法止可施諸壯人非所宜於產婦大抵新產之後
先問惡露如何塊痛未除不可遽加參朮腹中痛止補中卽
可無疑至若亡陽脫汗氣虛喘促頻服加參生化是從權也
又如亡陰火熱血崩厥暈速煎生化原方是救急也王太僕
曰治下補下治有緩急緩則道路達而力微急則氣味厚而
力重故治產當遵丹溪而固本服法宜效太僕以頻加凡付

生死之重寄須著意於極危欲求俯仰之無虧必存心於愛物此雖未盡產證之詳然所開各證皆援近鄉治驗爲據亦未必無小補云

生化總論

吾見夫世之治產者矣血塊未消則用生地紅花以行之蘇木牛膝以攻之其或虛脹則用烏藥香附以順之枳殼厚朴以舒之甚且青枳蓬稜以下氣定喘芩連梔蘖以退熱除煩至於血結之甚用承氣湯下之而愈結汗多便瀦用五苓散通之而愈祕者比比然矣生化湯新產之主劑而血塊之聖藥也凡當新產塊痛未除或有他病總以生化湯爲主隨證

加減不可拘於貼數一晝一夜必連服三四劑服至病退方止其在產後一二日間血塊未消而氣血虛脫或暈或厥甚且汗出如珠口氣漸冷煩渴喘急則并無論塊痛與否便須從權急救於本方中加入人參三四錢及其病勢稍退仍須減參而多服原方若其塊痛已消而見如上諸證更當任用加參生化不可疑參爲補而畏之也此方處置得宜必無一失天曰大生亦曰大化以此名方直無之而不可耳錢氏原方本有熟地世人又每用四物湯治產但地黃性寒滯血芍藥酸寒無補伐傷生氣殊非萬全得此以代四物并去原方之熟地藥至平穩效可立取夫豈有治病礙產治產礙病之

疑哉

生化湯

當歸

八錢

川芎

三錢

桃仁

十四粒去皮尖研

黑薑

五分

炙草

五分

用黃酒童便各半煎服

加參生化湯

人參

三錢有倍加至五錢者

川芎

二錢

當歸

五錢

炙草

四分

桃仁

十粒

炮薑

四分

大棗水煎服

如血塊痛甚加肉桂七分渴加麥冬一錢五味十粒汗多

加麻黃根一錢如血塊不痛加炙黃芪一錢以止汗傷飯

食麩食加炒神麩一錢麥芽五分炒傷肉食加山查五箇

砂仁四分炒

血暈

分婉後眼見黑花頭眩昏暈不省人事者非因勞倦甚而氣竭神昏即因大脫血而氣微欲絕此所以神不守舍而為暈也當急服生化湯不拘貼數以施挽救若因其有血塊未消而偏信古方認為惡血搶心輕用無補耗散之劑認為痰火沖上輒用無補消降之方鮮有不誤者

加味生化湯 治產後三等血暈證

- 川芎 三錢
- 當歸 六錢
- 黑薑 四分
- 桃仁 十粒
- 炙草 五分

- 荆芥 四分
- 炒黑
- 大棗水煎服

七種醫書 卷一 四
凡勞倦之甚而暈及血脫氣脫汗脫而暈者並宜連進此湯并加人參三四錢決不可疑參爲補而畏之若痰火乘虛泛上而暈於方內加橘紅四分虛甚者亦須加人參總不可用枳朴破氣蓬稜破血等藥卽山查性緩亦能害命不可擅用其或血塊痛甚兼送益母丸或鹿角灰或元胡散或獨勝散凡用消血塊方中病卽止不可過劑從權急救而已

厥證

產後用力過多勞倦傷脾逆冷而厥氣上胸滿氣短似喘呼吸止息違其常度人猶謂是惡露之未淨而敗血爲患也亦

知其爲形脫脈去乎此則并非錢數內之芎歸五六分之乾薑所能回陽而復神者必用加參生化湯倍其分兩連進二劑則氣血旺而神自生厥自止矣若服藥而反渴者另用生脈散獨參湯代茶飲之以救臟之燥卽四肢逆冷且兼泄痢類傷寒陰證而又難用四逆湯者亦惟倍參生化湯加附子一片以行參歸之力可以止逆亦可以回陽矣立三方於左分先後而施之

加參生化湯 治產後發厥若塊痛未止不可加芩朮

滋榮益氣復神湯 治產後發厥塊痛已除者

人參 三錢

黃芪 一錢

蜜炙

白朮 一錢

土炒

當歸 三錢

炙草 四分

陳皮 四分 五味 十粒 川芎 一錢 熟地 一錢 麥芽 一錢

棗一校水煎服

手足冷加附子五分汗多加麻黃根一錢熟棗仁一錢妄

言妄見加益智柏子仁龍眼肉大便實加肉蓯蓉二錢大

一抵產後暈厥二證相類但暈在臨盆其證似急於厥而厥

由病變其證實重於暈要知暈有塊痛芪朮不可加厥無

塊痛卽并用地黃可無疑也

血崩

產後血大來審血色之紅紫視形色之虛實如血紫有塊乃

當去之敗血也塊盡自止不可論崩若血色鮮紅則是驚傷

心不能生血怒傷肝不能藏血勞傷脾不能統血血不歸經當以崩治生化湯行中有補輕則第用原方可耳若汗多氣促甚至形脫宜服倍參生化湯以益氣如產後半月外崩又宜升舉大補湯治之此證虛極而藥取平穩未能速效須二十帖後諸證乃可除也豈櫻灰榆炭之微能爲力邪

生血止崩湯 治產後血崩

川芎 一錢 當歸 四錢 黑薑 四分 炙草 五分 桃仁 十粒

荆芥 五分 烏梅 五分 蒲黃 五分 棗水煎忌薑椒熱物生

冷

升舉大補湯 滋榮益氣如有塊痛只服前方

黃芪

白朮

陳皮

各四分

人參

二錢

炙草

升麻

各

四分

當歸

熟地

各二錢

麥冬

一錢

川芎

一錢

白芷

四分

黃連

三分

荆芥穗

四分炒黑

汗多加麻黃根一錢浮麥炒一小撮大便不通加肉蓯蓉

一錢禁用大黃有氣磨木香三分痰加貝母六分竹瀝薑

汁少許寒嗽加杏仁十粒桔梗五分知母一錢驚加棗仁

柏子仁各一錢傷飯加神麩麥芽各一錢然麥芽有回乳

之害用者慎之傷肉食加山查砂仁各八分俱加棗水煎

氣短似喘

此因血脫勞甚氣無所歸呼吸止息違其常度不可認為痰

火反用散氣化痰之方當以大補血爲主如無塊卽當於生
化湯參用參芪白朮并去桃仁而加熟地足冷加熟附子一
錢更接補氣養榮湯治之

加參生化湯 治分娩下卽患氣短者 引加棗一枚連

進二三帖後再用後方

補氣養榮湯 治產後氣短促血塊不痛宜服此

黃芪 一錢 白朮 一錢 當歸 四錢 人參 三錢 陳皮 四分

炙草 四分 熟地 二錢 川芎 二錢 黑薑 四分

手足冷加熟附子一錢汗多加麻黃根一錢浮麥一小撮
渴加麥冬一錢五味子十粒大便不通加肉蓯蓉一錢麻

仁一撮傷麩飯傷肉食加法如前

寒熱

凡新產後榮衛俱虛易發寒熱當於生化湯中稍佐辛甘發散之藥產後脾胃俱虛易於停滯當於生化湯中少加扶脾化食之品世人一見身熱便指爲外邪而任意表散一見氣滯便指爲食積而妄行消導者皆非也大抵產後治法先宜行血和血次則補血補氣其大較也至於治熱輕則用茯苓之淡滲重則加乾薑之甘溫或云大熱而用薑何也曰此熱非有餘之熱乃陰虛內生熱耳乾薑能入肺分利肺氣又能入肝分引眾藥生血然必與陰藥同用之其熱自除若偏補

氣而專用參芪亦非至善之歸也

中風

產後中風口眼喎邪此乃氣血虛甚必以大補爲主亦於生化湯中加減左手脈不足補血藥多於補氣藥右手脈不足補氣藥多於補血藥切不可用小續命等發散之劑

傷寒疫癘

產後或患傷寒疫證癘疾亦須重產輕邪大補氣血治者甚勿妄謂外邪未除輒投梔子豉湯柴芩連蘖等藥亦斷不可用只頻服生化湯足矣蓋川芎味辛能散乾薑能除虛熱雖有便秘煩渴等證只多服生化湯津液一生二便自通若熱

用寒劑愈虛中氣誤甚

類傷寒證

產後七日內發熱頭痛惡寒勿認作傷寒太陽證口苦咽乾
耳聾脇痛勿認作傷寒少陽證潮熱有汗譫語便閉勿認作
傷寒陽明府胃中燥糞宜下證數證多由勞倦傷脾運化稽
遲氣血枯槁腸腑燥涸乃虛證類實當補之證治者慎勿用
麻黃湯以治類太陽證柴胡湯以治類少陽證且妄議三承
氣湯以治類陽明胃實證也間有少壯產婦妄汗妄下幸而
無妨而於虛弱之人亦復妄行汗下多致不救屢見過汗成
瘵誤下成膨且有汗脫不禁瀉下不止者危哉婦人良方云

產後大便秘必待腹滿覺脹欲去不能結在直腸者方用猪
膽汁潤之若日期雖久飲食如常腹中如故只用補劑而已
昔仲景云亡血家不可發汗丹溪云產後切不可發表前賢
非謂產後真無傷寒之兼證也亦非謂麻黃柴胡承氣三方
之必無對證也誠恐後學執偏門而輕產拘成方而誤治耳
誰知產後真有傷寒生化中芫薑亦能散之乎

加味生化湯

治類傷寒發熱頭痛

川芎

防風

各一錢

當歸

三錢

炙草

四分

羌活

四分

桃仁

十粒

一本無桃仁有黑薑然必無塊痛方可去之

養正通幽湯

治類傷寒大便秘結

川芎二錢 當歸六錢 炙草五分 桃仁十五粒 麻仁二錢

肉蓯蓉 酒洗去甲 一錢

汗多便實加黃芪一錢 麻黃根一錢 人參二錢 口燥渴加

人參麥冬各一錢 腹滿溢便實加麥冬一錢 枳殼六分 人

參二錢 肉蓯蓉一錢 汗出譫語便實乃氣血虛竭精神失

守宜養榮安神加茯神遠志蓯蓉各一錢 人參白朮各二

錢 黃芪白芷各一錢 柏子仁一錢 大抵產後傷寒由於陰

陽不和與敗血不散者異 敗血不散者亦能作寒作熱而

時有刺痛宜桃仁歸尾紅花之類 陰陽不和者必無刺痛

雖見頭痛發熱脇痛腰痛大便秘結而產後亡血禁汗禁

下均宜養血通滯以生化湯加減最爲穩當矣

類中風

產後氣血暴虛百骸無所濡養忽然口噤牙緊手足筋脈拘
搐有似中風卽至項強身反絕類三瘕皆當以未治之勿執
偏門而用治風消痰之方以重虛產婦也治法當先服生化
湯以生新血三服後卽加參益氣以救血脫如有痰火可少
佐以橘紅炒芩竹瀝薑汁之類黃蘗黃連切不可並用慎之
天麻丸 治產後中風恍惚語澀四肢不利

天麻 一錢
防風 一錢
川芎 七分
羌活 七分
人參 遠志

柏子仁 山藥 麥冬 各一錢
棗仁 一錢
細辛 四分

膽星

八分

石菖蒲

一錢

研細末煉蜜丸辰砂為衣清湯

下六七十丸

滋榮活絡湯

治產後血少口噤項強筋搐

川芎

一錢半

當歸

熟地

人參

各二錢

黃芪

茯神

天麻

各一錢

炙草

陳皮

荆芥穗

防風

羌活

各四分

黃連

八分姜汁炒

有痰加竹瀝薑汁半夏渴加麥冬葛根有食加山查砂仁
以消肉食神麩麥芽以消飯食大便閉加肉蓯蓉一錢半
汗多加麻黃根一錢驚悸加棗仁一錢

附瘧

加減生化湯 治類瘧有汗者

川芎 一錢 當歸 四錢 桂枝 五分 人參 一錢 炙草 五分

羌活 五分 天麻 八分 麻黃根 一錢 附子 一片 羚羊角 八分

無汗去麻黃根加棗仁防風

類瘧

產後寒熱往來每日應期而發其證似瘧而不可作瘧治夫氣血虛而寒熱更作元氣虛而外邪或侵或晝輕夜重或日晡寒熱有似於瘧實非瘧也治當滋榮益氣以退寒熱有汗急宜止或加麻黃根之類若只頭有汗而不及於足此乃孤陽絕陰之危證急當加地黃當歸之類輕者則可暫與生化

湯加羌活防風蓮鬚葱白數根以散之其柴胡清肝飲等方常出草果等藥俱不可用

滋榮養氣扶正湯 治產後寒熱有汗應期發者

人參 二錢 炙黃芪 一錢 白朮 一錢 川芎 一錢 熟地 一錢 麥冬 一錢

麻黃根 各一錢 當歸 三錢 陳皮 四分 炙草 五分 棗水煎

加減養胃湯 治產後寒熱往來頭痛無汗

炙草 四分 白茯苓 一錢 半夏 八分 川芎 一錢 陳皮 四分

當歸 二錢 蒼朮 一錢 藿香 四分 人參 一錢 薑引煎服

有痰加竹瀝薑汁半夏神麩凡久瘧不愈兼服參朮膏以

助藥力

參朮膏

白朮 一斤 米泔浸一宿剉焙人參 一兩 用水六碗煎二

碗再煎二次共汁六碗合在一處將藥汁又熬成一碗
空心米湯化半酒盞

汗

凡分媿時汗出由勞傷脾驚傷心恐傷肝也不可卽用斂汗
之劑宜服生化湯二三帖以消塊痛隨服加參生化湯以止
虛汗若倦甚濺然汗出形色並脫乃亡陽脫汗也汗本亡陽
陽亡則陰隨之尤當倍參以救危惡毋拘塊痛若服參芪後
汗仍不止及頭出汗而不至腰足者必難救療凡汗出而手

拭不及者不治汗出而復氣喘虛之極也不受補者不治

麻黃根湯 治產後虛汗不止

人參 二錢 當歸 二錢 黃芪 一錢半 白朮 一錢 桂枝 五分

麻黃根 一錢 粉草 五分 牡蠣 研少許 浮麥 一大撮

虛脫汗多手足冷加黑薑四分熟附子一片渴加麥冬一

錢五味十粒肥白人產後多汗加竹瀝一盞薑汁一小匙

以清痰火惡風寒加防風桂枝各五分血塊不落加熟地

三錢晚服八味地黃丸

山萸肉 山藥 丹皮 雲苓 各八錢 澤瀉 五錢

熟地 八錢 五味子 五錢 炙黃芪 一兩

煉蜜爲丸每服三錢宜避風寒汗多小便不通乃亡津液故也勿用利水藥

盜汗

又產後睡中汗出醒來即止猶盜賊人睡而謂之盜汗非汗自至之比雜證論云自汗陽虧盜汗陰虛然當歸六黃湯又非產後盜汗方也惟兼氣血而調治之乃爲得耳

止汗散 治產後盜汗

人參 二錢 當歸 二錢 熟地 一錢半 麻黃根 五分

黃連 五分 浮小麥 一大撮 棗 一枚

又方

牡蠣 煨細末五分
小麥麩 炒黃研末五分

口渴兼小便不利

產後煩躁咽乾而渴兼小便不利由失血汗多所致治當助脾益肺升舉氣血則陽升陰降水入經而津滋液潤穀入胃而氣長脈行自然便調渴解矣若認口渴為火而用芩連梔藥以降之認小便不利為水滯而用五苓散以通之皆失治也必因其勞者溫之損者益之則庶幾矣

生津止渴益水飲

人參 麥冬 當歸 生地 各三錢
黃芪 一錢

葛根 一錢
升麻 炙草 各四分
茯苓 八分

五味子 十五粒

汗多加麻黃根一錢淨麥一大撮大便燥加肉蓯蓉一錢五分渴甚加生脈散不可疑而不用

妄言妄見

產後之妄言妄見由氣血虛神魂無依也治當論塊痛有無而斟酌於生化原方加參生化之間或補中益氣湯加安神定志丸服至藥力充足其病自愈勿謂邪祟噴以法水每至不救屢治此證服藥至十數帖方效病虛似邪欲除其邪先補其虛古之道也

安神生化湯 治產後塊痛未止妄言妄見

川芎 一錢 柏子仁 一錢 人參 一二錢 當歸 二三錢

茯神 二錢 桃仁 十二粒 黑薑 四分 炙草 四分 益智 八分

陳皮 三分 棗水煎

滋榮益氣復神湯 治產後塊痛已止妄言妄見

黃芪 白朮 麥冬 川芎 柏子仁 茯神

益智 各一錢 人參 熟地 各二錢 陳皮 三分 炙草 四分

棗仁 十粒 五味子 十粒 蓮子 八枚 圓肉 八箇 棗水煎服

產後血崩血脫氣喘氣脫神昏神脫雖有血氣陰陽之分其精散神去一也若指為氣實痰火失之者多矣塊痛未止即用加參生化湯行中有補亦不至於血滯其塊痛止

用升舉大補湯少佐黃連墜火以治血脫所以引血歸經
也用倍參補中益氣湯少佐附子助參以治氣脫所以攝
氣歸淵也用滋榮益氣復神湯少佐痰劑以清心火所以
安君主之官也

傷食

產後飲食不節必傷脾胃治當健脾益胃審傷何物加以消
導之藥生化湯加神麩麥芽以消麩食加山查砂仁以消肉
積加吳萸肉桂以消寒冷之積虛甚加人參白朮消補兼施
無有不安者屢見治者惟知速消傷物反損真氣益增滿悶
可不慎哉

加味生化湯 治血塊未消復傷食積

川芎 二錢 當歸 五錢 黑薑 四分 炙草 五分 桃仁 十粒

審傷何物加法如前

長生活命丹

人參 三錢 煎湯一盞以米飯鍋焦研粉加入三匙鍋焦

粉能引開胃口如服寒藥傷者加薑三大片人參名活

命草鍋焦名活命丹此方曾活數十人

如停寒物日久脾胃極弱藥不能運可用揉按法炒神麩

熨之更妙凡誤用消導反絕粥幾日者亦惟此方是宜

傷氣

產後忿怒氣逆胸膈不利血塊又痛宜用木香生化湯塊自
化而怒自散不相悖也若輕產重氣偏用木香烏藥枳殼砂
仁之類則元氣反損益增滿悶又如怒後即食胃弱停悶慎
勿用木香檳榔丸流氣引子等方使虛弱愈甚也

木香生化湯 治產後傷氣

川芎 二錢 當歸 六錢 陳皮 三分 黑薑 四分 服時更磨木

香二分沖入

健脾化食散氣湯 治產後傷氣傷食無塊痛者

白朮 二錢 當歸 二錢 川芎 一錢 黑薑 四分 人參 二錢

陳皮 三錢 審傷何物加法詳傷食條

大抵產後忿怒氣逆及飲食停滯二證善治者必以補氣血為先而少佐以調肝順氣則怒鬱自散少佐以健脾消導則停食自行若專理氣消食非徒無益又害之矣

咳嗽

產後六七日外感風寒咳嗽鼻塞聲重惡寒勿用麻黃嗽而脇痛勿用柴胡當於生化湯加減治之

加味生化湯 治產後外感咳嗽鼻塞聲重

川芎

一錢

當歸

二錢

杏仁

十粒

桔梗

四分

知母

八分

有痰加半夏麴虛弱有汗加人參總之產後不可發汗

加參安肺生化湯 治產後虛弱外感咳嗽痰多

川芎 一錢 人參 一錢 當歸 二錢 橘紅 三分 半夏 七分

杏仁 十粒去皮尖 桑白皮 一錢 知母 一錢 桔梗 四分

甘草 四分

痰膩不爽加竹瀝一杯薑汁半匙

嘔吐

產後勞傷臟腑寒邪乘於腸胃則氣逆嘔吐而食不得下又有瘀血未淨而嘔者亦有痰氣入胃胃口不清而嘔者當隨證調之

加減生化湯 治產婦嘔逆不食瘀血未淨者

川芎 一錢 當歸 三錢 黑薑 砂仁 藿香 各五分

淡竹葉 七片 水煎和薑汁二匙服

溫胃丁香散 治產後七日外嘔逆瘀血已除者

人參 一錢 當歸 三錢 白朮 二錢 黑薑 四分 丁香 四分

陳皮 五分 前胡 五分 藿香 五分 炙草 五分 薑 三片

石蓮散 治產婦嘔吐心沖目眩

石蓮子 去殼去心 一兩半 白茯苓 一兩 丁香 五分 共為細末米

飲下

生津益液湯 治產婦虛弱煩渴多汗嘔吐

人參 麥冬 去心 茯苓 各一兩 炙草 五分 竹葉 七片

浮小麥 一撮 栝樓根 二錢 大棗 二枚

大渴不止加蘆根

霍亂

由產後勞傷氣血臟腑空虛不能運化食物及感冷風所致
陰陽升降不順清濁亂於脾胃冷熱不調邪正相搏為霍亂
當視其塊痛之有無而分別治之

生化六和湯 治產後未除血塊而患霍亂者

川芎 二錢 當歸 四錢 黑薑 炙草 陳皮

藿香 各四分 砂仁 六分 茯苓 一錢 薑 三片

附子散 治產後霍亂吐瀉手足逆冷無塊痛者

附子 五分 丁香 四分 黑薑 四分 當歸 二錢 白朮 一錢

陳皮四分 甘草四分 共為末粥飲送下二錢

溫中湯 治產後霍亂吐瀉不止無塊痛者

人參一錢 白朮一錢半 當歸二錢 厚朴八分 黑薑四分

茯苓一錢 草果六分 薑三片

食不下加砂仁

高麗水腫

產後手足浮腫皮膚見光榮色乃脾虛不能制水腎虛不能行水也豈利水之劑所可治乎大致總以六君子湯五皮飲兩方隨證加入蒼朴陳半香蘇之類無不安者

六君子湯

五皮飲

又有惡露不淨停留胞絡致令浮腫者若概以水氣治之誤矣但服調經散血行而腫自消也

調經散

沒藥

月研

琥珀

月研各一錢

肉桂

赤芍

當歸

各一錢

右為細末每服五分薑汁酒各少許調服

自愈

流注

產後惡露流於腰臂關節之處或漫腫或結塊久而作痛肢體倦怠急宜用參歸生化湯以消血滯外用葱熨法以治腫

無緩也未成者消已成者潰

參歸生化湯

川芎 一錢半 當歸 二錢 人參 二錢 炙草 五分

黃芪 一錢半 肉桂 五分 馬蹄香 二錢

葱熨法

用葱一握炙熱搗爛作餅敷痛處用厚布二三層以熨

斗熨之

此病若不補氣血節飲食慎起居未有得生者如腫起作痛起居飲食如常是病氣未深形氣未損易治也若漫腫微痛起居倦怠飲食不足最為難治或未成膿未潰氣血

虛也宜服八珍湯增寒惡寒陽氣虛也宜服十全大補湯
補後大熱陰血虛也宜服四物湯加參朮丹皮嘔逆胃氣
虛也宜服六君子湯加炮薑乾薑食少體倦脾氣虛也宜
服補中益氣湯四肢冷逆小便頻數腎氣虛也補中益氣
湯加益智仁一錢

中滿

婦人素弱臨產又勞中氣不足胸膈不利轉運稽遲遂成中
滿之證多因食傷氣鬱而又惡露停留大便燥結此屬氣血
兩虛卽當大補氣血若但知傷食當消氣鬱宜散惡露必攻
便結可下則胃氣反損滿悶益增氣不升降溼熱積久遂成

膨脹若早服生化湯以消塊痛服加參生化湯以健脾胃當無此患也

補中益氣湯 治中氣不足微滿服耗氣藥成脹者

人參 五分 當歸 五分 白朮 五分 白茯苓 一錢 川芎 四分

白芍 四分 木香 三分 萊菔子 四分

健脾湯 治脇下積塊服消導藥成脹者

人參 白朮 當歸 各三錢 茯苓 白芍 神麩

吳萸 各一錢 大腹皮 陳皮 各四分 砂仁

麥芽 各五分

養榮生化湯 腹痛大便不通服下藥成脹者

當歸 四錢 白芍 一錢 白茯苓 一錢 人參 一錢 白朮 二錢

陳皮 五分 大腹皮 五分 香附 五分 薤蓉 一錢 桃仁 十粒
製

凡誤用消食耗氣藥以致絕穀者長生活命丹屢效 方見

傷食條

怔忡驚悸

由產後憂驚勞倦去血過多則心中跳動不安謂之怔忡心中怯怯如人將捕之狀謂之驚悸治此二證惟調和脾胃志定神清其氣自愈如血塊未消宜服生化湯補血行塊不必加安神定志塊消痛止宜服加減養榮湯

當歸 二錢 川芎 二錢 茯神 一錢 人參 一錢 棗仁 一錢
炒

麥冬 一錢 遠志 一錢 白朮 一錢 黃耆 一錢 圓肉 八枚

陳皮 四分 炙草 四分

薑煎虛煩加竹瀝薑汁去川芎麥冬

養心湯 治產後心血不定心神不安

炙黃芪 一錢 茯神 八分 川芎 八分 當歸 二錢

麥冬 一錢 遠志 八分 柏子仁 一錢 人參 一錢半

炙草 四分 五味 十粒

薑水煎服

心痛

此即胃脘痛也因胃脘在心之下凡勞傷風寒及食冷物每

致作痛俗乃呼爲心痛心可痛乎血不足則怔忡驚悸不安耳若眞心痛手足青至節旦夕死矣治當散胃中之寒氣消胃中之冷物必用生化湯佐祛寒消食之藥無不安者若綿而痛可按而止問無血塊卽當加補大凡產後心痛腹痛二證相似都因寒食與氣上攻於心則心痛下攻於腹則腹痛均當用生化湯加肉桂吳萸等溫散之藥也

加味生化湯

川芎

一錢

當歸

三錢

黑薑

五分

肉桂

八分

吳萸

八分

砂仁

八分

炙草

五分

傷寒食加肉桂吳萸傷麩食加神麩麥芽傷肉食加山查

砂仁大便不通加肉苻蓉

腹痛

先問有塊無塊塊痛只服生化湯調失笑散二錢加元胡一錢無塊則是風冷作痛宜服加減方

加減生化湯

川芎

一錢

當歸

四錢

黑薑

四分

炙草

四分

防風

七分

吳萸

六分

白蔻

五分

桂枝

七分

痛止去之隨傷食物所加如前

腰痛

由女人腎位繫胞腰為腎府產後勞傷腎氣損動胞絡或虛

未復而風乘之也

養榮壯腎湯 治產後感風寒腰痛不可轉

當歸 二錢 川芎 八分 防風 四分 獨活 八分 桂心 八分

杜仲 八分 續斷 八分 桑寄生 八分

生薑三片水煎服兩帖後痛未止屬腎虛加熟地三錢

加味大造丸 治產後日久氣血兩虛腰痛腎弱

胡桃 十二箇 破故紙 八兩酒 杜仲 一斤薑汁

為細末煉蜜丸淡醋湯送六十九

脇痛

乃肝經血虛氣滯之故氣滯四君子湯加青皮柴胡血虛四

物湯加柴胡人參白朮若概用香燥之藥則反傷清和之氣矣

補肝散

山萸

二錢

當歸

二錢

五味

十粒

黃芪

八分

川芎

六分

熟地

一錢半

木瓜

一錢

白朮

一錢

獨活

八分

棗仁

一錢

薑

一片

徧身痛

此因產後氣虛百節開張血脈流散而經絡間血反多阻滯故致筋牽脈引骨節不利腰背不能轉側手足不能動履且見身熱頭痛若誤作傷寒發表出汗則筋脈動蕩手足發冷

變證作矣宜服趁痛散

當歸 一錢

甘草 八分

黃芪 八分

白朮 八分

獨活 八分

肉桂 八分

桑寄生 一錢

牛膝 八分

薤白 五箇

薑 三片

小腹痛

產後虛中感寒飲冷其寒下攻小腹作痛又有血塊作痛者

又產後血虛臍下痛者並治之以加減生化湯

當歸 三錢

川芎 一錢

黑薑 四分

炙草 四分

桃仁 十粒

前胡 一錢

瀉

產後泄瀉大率氣虛而食積溼滯也氣虛宜補食積宜消溼

滯宜燥誰不知之然惡露未淨未可拘也先服生化湯二三帖化舊生新新血既生然後補氣以消食燥溼以利水便無滯澀虛虛之失矣如痛下清水腹鳴米飲不化者以寒泄治冀水黃赤肛門作痛者以熱泄治飲食過多傷脾成泄氣臭如敗卵者以食積治脾虛少食食下卽鳴急盡下所食之物方快者以虛寒泄治之大凡虛瀉昏不識人弱甚形脫之證必用人參二錢白朮茯苓各二錢附子一錢方能回生若脈浮弦按之不鼓卽爲中寒此蓋陰先亡而陽欲去速宜大補氣血加附子黑薑以回元陽而況其在產後乎

加減生化湯

治產後塊未消患瀉證

川芎 二錢 茯苓 二錢 當歸 四錢 黑薑 五分 炙草 五分

桃仁 十粒 蓮子 八枚

健脾利水生化湯 治產後塊已除患瀉證

川芎 一錢 茯苓 一錢半 歸身 二錢 黑薑 四分 陳皮 五分

炙草 五分 人參 三錢 肉果 一箇 白朮 一錢 澤瀉 八分

寒瀉加乾薑八分 寒痛加砂仁炮薑各八分 熱瀉加炒黃連八分 瀉水腹痛米飲不化加砂仁八分 麥芽山查各一錢 瀉有酸噯臭氣加神麩砂仁各八分 瀉水者加蒼朮一錢 以燥溼諸瀉俱加升麻酒炒蓮子十粒

完穀不化

此因產後勞倦傷脾而運轉稽遲名曰飧泄產方三日塊未
 消化脾胃衰弱補劑未可遽用者且服生化湯加益智砂仁
 少溫脾氣俟塊消後即加參芪朮補氣肉果木香溫胃升麻
 柴胡清胃氣陳皮苓瀉以利水可也

加味生化湯 治產後三日內完穀不化塊未消者

川芎 一錢 益智 一錢 當歸 四錢 黑薑 四分 炙草 四分

桃仁 十粒 茯苓 一錢半

參苓生化湯 治產後三日內塊已消穀不化者

川芎 一錢 當歸 二錢 黑薑 四分 炙草 五分 人參 一二錢

茯苓 一錢 白芍 一錢 益智 一錢 白朮 二錢 肉果 一箇

瀉水多加澤瀉木通各八分腹痛加砂仁八分渴加麥冬
五味子寒瀉加黑薑一錢木香四分食積加神麩麥芽消
飯麩砂仁山查消肉食產後瀉痢日久胃氣虛弱完穀不
化宜溫助胃氣六君子湯加木香四分肉果一箇

中痢

產後七日內外患赤白痢裏急後重最爲難治欲調氣行血
而推蕩痢邪猶患產後元虛欲滋榮益氣而大補虛弱又慮
助邪爲患惟生化湯減乾薑而代以木香茯苓則善消惡露
兼治痢疾並行而不相悖也若七日外有患褐花色後重頻
併者卽當加補無疑香連丸在所必禁也

加減生化湯 治產後七日內患痢

川芎 二錢 當歸 五錢 炙草 五分 桃仁 十粒 茯苓 一錢

陳皮 四分 木香 三分

磨

紅痢腹痛加砂仁八分如產後久瀉元氣下陷大便不禁
肛門如脫色赤者乃脾土真氣虛損宜服六君子湯及補
中益氣湯加木香肉果薑汁色白者屬血虛宜四物湯加
人參荆芥傷麩食宜生化湯加神麩麥芽傷肉食宜生化
湯加山查砂仁赤白痢臍下痛宜當歸川芎桃仁厚朴黃
連肉果甘草

門下晚學生馮汝玖校字